

सानसेयारि 'बड'सा' खरीलाइयाव  
समाजयारि जिउजो लोब्बा थानाय रायथाय, खन्थाय,  
सल', सल'बाथा आरो दावबायारि थावनि, पार्क  
बाइदिनि सायाव लिर्नाय लिर्बिदां दैथाय हर/  
सानसेयारि 'बड'सा' खरीलाइया खेबखानानै  
फोस्वावगोल।

बड'सायाव लिर्हरनायनि हुबा खालाम,  
'बड'सा' खरी नोथो, जो बयबो आंगो खालाम।

सानसेयारि बड'सा मावखुलि

माइबं नोगोर, जोहोलाव दैमालु लामा

कक्राझार, बिटिसि-783370

Website: www.bodosanewspaper.com

BODOSA ★ A Bodo News Daily ★ Monday ★ 01 November, 2021 Kokrajhar, BTC, Assam ★ Vol.- 31, Issue No. 215 ★ R.N.I.Regd.No.40994/91, Assam Govt.Regd.No.IPRD.40/2006/13, ★ Rs.8/-

दरंनि बेसिमरिआव  
गिखंथाव जाब्रथायजों  
सा 5 थैदों

गुवाहाटी, 31 अक्टबर: गेजेर आसाम महैर मिथिजानाय दरं जिल्लानि बेसिमरिआव गिखंथाव जाब्रथाय जादों। 15 नं माहारियारि राजा लामायवा गोखेथिजों फेनाय सुइफ्ट डिजायार आरो मुवा-बेसाद गोनो ट्राकजों मोगा-मोगि सौग्रावलायो। बे जाब्रथायव जायगायवानो सुइफ्ट डिजायारि सा 5 दावबायारिफोरा जिउ गोमादों। लोगोसेनो सा 3 सुबुंफोरा जोखोम जादों। मिथिनो मोन्नाय बादियै तेजपुर फासें थांबाय थानाय एएस-13 सिंसि-1002 नम्बरनि ट्राकजों (□ 5 बिलाइआव)

## जन सम्बाद उत्सव हाबाफारिआव बाहागो लानानै 1971 दावहानि सान्थिफोरनो मान बाउदों राइज्यो बेंगिरिआ

गुवाहाटी, 31 अक्टबर: हादत उदांस्त्रिनि 75 बोसोर आबुं जानायनि लोब्बायै आजादी का अमृत महत्सव फोर्बों फालिथायनि मोनसे बाहागो महैर दिनें गुवाहाटीनि दिघली फुखिआव थानाय स्टेट वार मेम 'रिएलआव हादत रेखाथिनि थाखाय गावखौ बाउसोमलानाय दावहार सान्थिफोरनो मान बाउनायनि मोनसे जन सम्बाद उत्सव हाबाफारि खुंफुंनय जादों। डिरेक्टेट अफ सैनिक वेलफेयारनि बान्जायनायाव खुंफुंनय उत्सवआव हादर



रेखाथिनि थाखाय गावखौ बाउसोमलानै जाफुंसार जानो हानाय आरो बिथांमोननि बिहोमा होलानायनि थाखाय सा 18 गेदेमा दावहार सान्थिफोरनो मान बाउदों आसामनि राइज्यो बेंगिरि प्रफेसार जगदिश मुखिआ। बे हाबाफारिआव बाहागो लानानै गावनि बिबुंथि लाखिनाय समाव राइज्यो बेंगिरि मुखिआ फोरमायोदि, भारत सरकारआ हादर उदांस्त्रिनि 75 बोसोर आबुं जानायनि लोब्बायै आजादी का अमृत महत्सव (□ 5 बिलाइआव)

स्ट्रुं रुमआव गसाइगाव  
बियाबनि सा 8 बिजाथिफोरनि  
खाफालआ जोबथे जानानै दं



गसाइगाव, 31 अक्टबर: राइज्योनि मोनबा बिधान सभा बियाबनि उफ्रा बिसायख थिथा थानाय 30 अक्टबरखालि गोजोनै जोबलाडों। 28 नं गलाइगाव बिधान सभा बियाबनि मोन 285 भट सोग्रा मिरुआव बिसायख थि खुंजानायनि उनाव गसाइगाव महकुमा बेंगिरिनि मावख'आवगायसन्नाय स्ट्रुं रुमआव इ थि एम फोरखौ गोखों रेखाथिनि गेजेरव दोन्नाय जादों। (□ 5 बिलाइआव)

कचिन गाथोन न्यास, कचिन शिपयार्ड लिमिटेड  
आरो गाथोननि बिबानगिरिफोरजों सावरायलायदों  
मिरु मन्थि सर्बानन्द सनवालआ

तिरुवनन्तपुरम, 31 अक्टबर: मिरु गाथोन, जाहाज हाथ्या-मेला, दै लामा आरो मिरु आयुष मन्थि सर्बानन्द सनवालआ दिनें केरलानि कचिन गाथोन न्यासनि आफदगिरि ७ एम बिना आरो बिबानगिरिफोरजों मोनसे सावराय जथुम खुंदों। जथुमआव मिरु मन्थिजों लोगोसे नुजाथिफेदोंमोन मिरु गाथोन, जाहाज हाथ्या-मेला आरो दै लामा बिफाननि नेहाथारि सन्जिब रन्जन, लेडइ नेहाथारि सन्जय बेनाजिमोनजों लोगोसे



गोजौ थाखोनि बिबानगिरिफोरा। गाथोननि खामानिनि गोहो बां होनाय, दै थायहरनाय-

लाबोनाय खामानिफोरखौ बां होनाय, मोजाडै सामलायनाय, जाहाजनि गाहाम (□ 5 बिलाइआव)

लडा दैसानि गाथोनाव बर'नि दोरोडारि  
गेलेमु आमोल-दिमोल बादायलायनाय खुंदों

सालाकाटि हान्जाखौ फेजेन्नानै सत' आदाबारि हान्जाया देरहादों

कक्राझार, 31 अक्टबर: बड'लेण्ड इन्डिजेनियस गेम्स एस'सिएसननि गायसनगिरि आरो कक्राझार डाइटीनि बारा' गोरारुं लोगोसे मुंदांखा गेलेमुगिरि रुंसारि चानक्य ब्रह्मनि 9 थि थैनाय सान फालिनायजों लोब्बा लाखिनानै बर'नि दोरोडारि गोजाम दैनि गेलेमु आमोल-दिमोल गेलेमु बादायलायनाय दिनें गोबांथार राइजो-राजाफोर आरो हेफाजाबगिरिफोरनि मददजों मेहेरगोनानै जानानै थाडो।



बड'लेण्ड इन्डिजेनियस गेम्स एस'सिएसन (बिगा) नि बान्जायनायाव कक्राझार जिल्लानि रामफलबिलआव

थानाय लडा एरिगेसन प्रजेक्टआव खुंफुंनय बे आमोल-दिमोल गेलेनाय बादायलायनायाव बिटिआरनि

दरब्रै जिल्लानिफ्राय गासै मोन 25 हान्जाफोरा बाहागो (□ 5 बिलाइआव)

जालुकबारिनि सरकारी  
आयुर्वेदिक फरायसालिमायाव  
माहारियारि आयुर्वेद  
सान फालिगोन

गुवाहाटी, 31 अक्टबर: दुलाराय हादरनाडै 2016 माइथायनिफ्राय बोसोफ्रोमबो धनन्तरि जयन्ती सानआव माहारियारि आयुर्वेद सान महैर फालिबोबाय थानाय जादों। बेखौ लोब्बा लानानै गुवाहाटी जालुकबारिआव थानाय सरकारी आयुर्वेदिक फरायसालिमायाव फेगो 2 नभेम्बरखालि माहारियारि आयुर्वेदिक सान खुंफुंनो लाहार-फाहार खालामनाय जादों। माखासे गोसो बोनो हानाय हाबाफारिजों (□ 5 बिलाइआव)

गिथावना महैर बेसेन बांदों  
थाव गोथानि बेसेन बांनाया सोरानि  
फोर्बोंआव सोरां लाबोनायाव हेंथा नुजादों

कलाइगाव, 31 अक्टबर: सानफ्रोमबो बांबोनो हमनाय मुवा बेसादफोरनि बेसेना सरसनखा निखावनि एबा हाजिर-मुजिरा मावनानै जाग्रा सुबुंफोरनि थाखाय नखर'खुंनयाव बिगोमाया मोनसे रोखोमनि राहा गैया जालानायखौ नुनो मोन्नाय जादों। सरकारी साखिआवला, मुंदांखा फालांगिरिफोरखौ बेसेन बांनाया सोमावखुंनो हानायनि सोलायै निखावनि, गेजेरि आरो आबादारि राइजो-राजाफोर दासान्दि जाया बालानो सान बारहोनायनि समआ खाथियाव सौफेदों। सोरानि फोर्बों दिवालीआ गेजेरव साननैसोल'सम दंबावो। बे बोसोराव अख्रांसिम सौहैनाय बेसेन बांनाया जेन सोरानि फोर्बों दिवालीआव अमाबस्या लाबोगोन। जानाय थावआ लिटरफायाव 215 रां, जाय 2019 माइथायाव लिटरफा जानाय थावनि बेसेना 100 रांल'मोन। दालि-आलु-पियाज, पेट्रुल आरो गेस सिलिन्दरनि बेसेना बांबोनायाव सरसनखा राइजो-राजाफोर बवे बिथिजों (□ 5 बिलाइआव)

बिजनी पस्लाबारियाव थुलुंगानि थान्दै  
महेस्वर मुसाहारीनि मुंख्लं सान फालिदों

बिजनी, 31 अक्टबर: चिरां जिल्लानि बिजनी दरखरा एबसुनि बान्जायनायाव थुलुंगानि थान्दै महेस्वर मुसाहारीनि 21 थि मुंख्लं सानखौ फालियो। बे मुंख्लं साननि हाबाफारि बादियै गिबियाव एबसुनि फिफलाखौ बिरहोयो बिजनी दरखरा एबसुनि आफदगिरि एक्सां बसुमतारीआ। बेनि उनाव थुलुंगानि थान्दै महेस्वर मुसाहारीनि मुंख्लं खाम्फायाव बिबार बावजेनो बिथां गेदेमानि अन्जालि बिंसि प्रमेला मुसाहारीया।



सानसेनि मेहेर गोनां हाबाफारियाव बि टि आरनि हेण्डलुम एण्ड टेक्सटाइल आरो फुड प्रसेसिं बिफाननि मावफुं सोद्रोमा धनन्जय बसुमतारी, 31

नं सिदली बियाबनि एम एल ए जयन्त बसुमतारी, मिरु एबसुनि लोगो आफादगिरि खोरामदाव अवारि, इड पि पि एलनि आरगेनार्यजि नेहाथारी

फनिन बर', बिजनी दरखरा आबोफनि आफादगिरि बिजुलि बसुमतारी, नेहाथारी रुखमनी (□ 5 बिलाइआव)

राइज्योआव करनानि सन्देरनाया  
गिखंथाव महर लाफिन्दों

थांनाय साननि रुजुनायाव  
सेन्देरनाया नै गुन बांदों

गुवाहाटी, 31 अक्टबर: राइज्योयाव फुजा आरो उफ्रा बिसायख थिनि उनाव कभिडनि सन्देरनाया लासै-लासैयै बांबोनो हमदों। दिनें राइज्योआव मोन 15,060 कभिड आन्जाद कालामनायनि गेजेरवनो सा 212 सुबुंफोरखौ कभिड पजिटिभ मोननो हायो। बेनि गेजेरव कामरुप नोगोसमा जिल्लानि सा 96 सुबुंफोरनि देहायाव कभिडनि थाथायखौ (□ 5 बिलाइआव)

काजलगावआव लामानि जाब्रथायजों  
सासे आबादारिनि जिउ गोमादों

बासुगाव, 31 अक्टबर: चिरां जिल्ला सदर काजलगावआव मोनसे लामानि जाब्रथायाव सासे आबादारिया जिउ खोमानो गोनो जायो। जाथायनि बागै मिथिनो मोन्नाय बादिब्ला, चिरां जिल्ला सदर काजलगावनि साखाथियाव थानाय मंलागावनि थागिबि रुंसारि तरनि सरकारनि (□ 5 बिलाइआव)

पाटकजुलि आरो सुकानजुलिआव माहारियारि  
खौसेथि सान फालिदों एसएसबि हान्जाया



पाटकजुलि, 31 अक्टबर: बाक्सा जिल्लानि भारत-भुटान सिमाना ओन्सोलनि पाटकजुलि आरो सुकानजुलिआव थानाय 64 नं साशस्त्र सीमा सुरक्षा बल (एसएसबि)नि बादायाव दिनें

माहारियारि खौसेथि सानखौ लोब्बा लानानै लौहपुरुष सदरि बल्लभभाइ पाटेलनि 146 थि जोनोम सान फालिनाय जादों। बेखौ लोब्बा लानानै भारत-भुटान सिमाना ओन्सोलाव जिउ

खानानै थानाय सुबुंफोरनि गेजेरव हादर मोजां मोन्नाय, खौसेथि, रेखाथि सोर्जिनयनि थांखिजों फुडव 5 कि:मि: रान फर इडनिटी आयदानि मोनसे खारनाय हाबाफारि खुंनय जायो। बे हाबाफारिखौ प्लेगअफ खालामनानै होदों बेटेलियननि कमान्डेन्ट नन्द किशर तामताया। बेनि उनाव कमान्डेन्ट नन्द किशर तालुकदारआ नुजाथिफेनाय जवानफोरखौ माहारियारि खौसेथिनि समावखिरा लाहोयो आरो सरदार बल्लभभाइ पाटेलनि (□ 5 बिलाइआव)

ब्रैथि दरख'रा एबसुआ नबदया  
बिद्यालयाआव मुं थिसन्नायनि  
सायाव सांग्रांथि मेल खुंदों



गसाइगाव, 31 अक्टबर: कक्राझार जिल्लानि गसाइगाव महकुमानि सिडव थानाय सेकादानी इशान मोसाहारि गेजेर फरायसालिआव दिनें नभ इयुथ वेलफेयारि फेमिली आरो ब्रैथि दरख'रा एबसुनि जुथायै बान्जायनायाव नबदया बिद्यालयआव मुं थिसन्नायनि सायाव गामियारि फरायसाफोर आरो (□ 5 बिलाइआव)

मैदेरनि उतखार : राइजो-राजाफोरनि  
दाबिआव हाग्रा बिफानआ गंने  
जेसिबिजों मैदेरफोरखौ होखारहरदों

मुसलपुर, 31 अक्टबर: आफां आसाम बाक्सा जिल्लानि मुसलपुर महकुमायाव हाग्रानि मैदेरनि उतखारआ आथिखालावबो सोलिगासिनो दड। मख'नो गोनान्दि, हाग्रा बिफानआ मैदेर होखारहरनो थाखाय जायखि-जाया राहा लायैआव खुद्रिखानानै राइजो-राजाफोरा ओंखारबोनानै हेंथा सोमावसादोंमोन। सानफ्रोमबो हराव उन्दुलानाय थासारिआव आरो गिखानानै सम बारहोनायव माखासे गामिनि राइजो-



राजाफोरा बरिकादंआव खौसे थाराखौ गोमखां होदोंमोन। जानानै हाग्रा बिफान मुर्दाबाद बायदि स्तगान होनानै उनाव दिनें राइजोफोरनि गोखों (□ 5 बिलाइआव)

# सुजुगिरिनि खोलोम

## जाबथु आबाद मावनायनि

### गोनांथि सौफैबाय

गायनाय-फुनाया बर' फोरनि मोनसे हारिमु। बैसागु-दमासिया जैरै बर' फोरनि एंगारनो हाथावयै हारिमुयारि फोर्बो बिब्दिनो गायनाय-फुनायाबो रोखोमसे फोर्बोनि महर मोन्दो। गायनाय-फुनायनि गेजेरजोनो दिनैसिम बर' फोरनि थाना थानायनि गुदि आरो गाहाय रांखांथियारि फुंखा। थालांथै बुंनो थाडोब्ला आबाद मावनायै दैज्जालीन दैज्जाल, मेसेनि मेसें आबाद दिखानानै थाना थानायनि गासै राहा-लामाखौ आबादारिफ्रा गावसोरनो दिहन्नायै लाबोनांदो, आरो बेनो जौनि आबादारिफोरनि गुबै थांखि। जायनि थाखाय जौनि आबादारिफ्रा फारफ्रोम बिथिनि खुदां-खेफोतखौ सौसिबोनायै दिनैसिम गावनि थाना थानायनि लामा बहन्नायै लानायजो लोगोसे गुबुनो आरो नखरनि फिसा-फिसौनि थाना थानायनि लामा बहन्नायै लाबोदो।

जौनि आबादारिफोरनि बे गोखौं मावदिथिखौ नोजोर खालामोब्ला गोनोखोयारी आदब बाहायनानै सोदनाय गोदान जोलै बेगर, हासार, मुलि, गाहाम दे जागयनायनि राहा-लामा आरो गोबां बिथिनि नेम खांथिजो आबाद दैखानायनि खाबु लानो एबा मोन्नो हानायब्ला एबा थुलुंगाखांथाव सुबुस्न, मदतआ गमामा आबाद जांखिखांथाव लाबोनी हागोन होन्ना सानजाथाव।

दैज्जालीन गायनाय-फुनाय माइ-माइरजौल' आबादिनि जांखिथाय लाबोनाया आद्रा थालानाय बादि जागोन। बेखायनो जौनि सानफ्रोमबोनि थाखाय नांनय माइ-माइरजौल' लोगोसे दैज्जालीन दैज्जाल-मेसेडव मेसेनि मैंग-थाइंग बाइदि रोखोम आबाद दिखानायनि गोनांथि दसै।

माइ-माइर, मैंग-थाइंगआ जैरै गोनां बिब्दिनो गुबन आबादफ्राबो एंगारथावयै गोनां। मानसिनो नाडै मुवा गैफेरा। नांगौनिबो जोबनो थाड। गान्नाय-जोमनाय, जानाय-लौनायनि अनगायैबो सानश्र' हायै मुवा बेसाद, हास्थायनाय जोबनो थाड मानसि माहारिनाव। बेखायनो गोनांसिन आबादजौ उफ्रा आबादबो दिखानो लानाया गाहाम। आबाद फोथाराव मोनसेल' आबादखौ मोखां नायाजासे जाबथु आबाद दिखानानै गोबां मुलाम्फायारी जानो हानाया जौनि नसुंसे राइजोयाव गोबां दसै। गय बारियाव गय बिफाजौ लोगोसे नारै लेबु, आनारस, फाथै, हाइजै, हाल्दै, मसला फिथाय, फानलु, फान्थाव बाइदिसिना बाडइ समनि गेजेराव मोन्नो हानाय आबादफोरखौ दिखानायनि राहा लानो हायोब्ला रांखांथियारी बिथिडव हुंखा सुथानो गोलेयै राहा मोन्नो हागौ। मेसें बोथोराव थाव बेगर बेसर, सिबिं, गुजि, देमसिफोरजौ लोगोसे समान सम आरो बोथोर मोनसेयावको दिखानो हानाय नाथाय गोबां दिहुनथायनि थाव बेगर सान फ्लावारफोरखौबो आबाद खालामनो लानांसिगौ।

गासै रोखोमनि आबाद दिखानानै सोरगिदि जेरावबो जैरैबो आबाद जावरिखानाय लाबोनायै ओनसोलखौ अराय सोमखै खालामनायनि थांखि आरो मदतनि गोनांथि दसै।

# दिनैनि फानजामुधि

## राशि बाइदियै मुनि गिबि हांखो

मेष : अ ल बृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ट (ण ष) तुला : तर वृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

**मेष:** बादायलायनायाव जेन्नो हागौ। जेथि बादया सांग्राडै बादायनांगोन।

**बृष:** गोसोया मानोबा उसु-खुथु जागोन। मावनाय-दानायाव धैन्य गैयै जागोन।

**मिथुन:** नाजाबोनायनि मोजां फिथाइखौ मोन्नो हागोन। गोजोन्नाय मोनगोन। मोजां सान।

**कर्कट:** फालांगि मावनायाव रां खहा जानो हागौ। सांग्राडै मावको नांगोन।

**सिंह:** गोसोनि सान्नायखौ जाफुहोनो हागोन। गोसोया जै जागोन। थासारिया मोजां।

**कन्या:** माबा मोनसे धोन खहा जानो हागौ। गोसोखौ शान्ति मोन्नाय नड।

**तुला:** जेथिबो रंजा-बाजा खालामनो हागोन। गोजौनै समखौ बारहोहरनो हागोन।

**वृश्चिक:** गोसोआ मावको लुबैखानाय फैगोन। सान्नाया जाफुनो हागौ। मोजां सान।

**धनु:** माखौबा लानानै बिसि-फिसाइ नांलायनाय जानो हागौ। नख 'र'आव शान्ति गैयै सोमजिगोन। गात्रि सान।

**मकर:** सोरजौबा नांलायबायनाय जाफ्रांबायनो हागौ। जोखियानो जाया गोसोखौ हमथाना था।

**कुम्भ:** जौंगा-मागा साजायनानै रंजानो हागोन। फारफ्रोमबो मोजां।

**मीन:** माबाफोर हाबा मावलांनो थाखाय गोसोआव थुलुगाखांगोन। सान्नायफोर जाफुसारनो हागौ।

# हिन्जाव माहारी आरो सतीनि गोहो

## प्रपेला ब्रह्म

बे ब्रह्मान्दरआव भुमआ जोनोम मोन्नायनि लोगो लोगो सोरजिगिरिआ मानसि-दुमसि, जिउ-जिरात गासिखौबो सोरजिदो। जिउ-जिरात जोनोमनि गेजेराव हौवा आरो हिन्जाव फाराग महैरै ईशोरा सोरजिदो। हौवानि गोहोया आलादा फाराग दड बुंजायो। मानोना हौवानि गोहो बेलोआ बांसिन। नाथाय हिन्जाव माहारीफोरनि शक्तिफ्रा साखाराव नुनो मोनै गोहो दड। मानोना भुम जोनोमनि लोगोसे सैथो जिरातआबो जोनोम मोनफादोमोन। जायनि थाखाय बयबो जोनोमगिरियानो सैथोनि मायानि दौलें'खौ एराइनो हायाखै। बिनि थाखायनो सोरबा माया गेलेहोग्रा सोरजिगिरि ईशोर नाम दड होन्नायै बयबो जिउ जिरातआनो गंग्लयानांदो।

बे मुलुगनि जोनोम मोन्नाय हौवा आरो हिन्जाव आलादा फाराग दड। गुण-शक्ति आरो देहा-सोलेरफ्राबो गुबुन गुबुन।

लेखा फरा, गियान गुबुन। लेखा फरा, गियान दावगानायफ्राव हिन्जाव माहारीफ्रा हौवाफोरजौं समान मासियाव हाया। हिन्जाव माहारीफोरनि देहा सोलेरफ्रा गुर लेहेम आरो गोबां गोसोफ्रा माहि। हौवा माहारिफोरनिखुइ हिन्जाव माहारीफोरनिखुइ हिन्जाव माहारीफोरनि गोसो गोबां अन्नाइनि गोबांसिन फुंखा थायो। बिमा माहारीफोरनि गोसोआ गुरै आरो अनसुलीसिन। बिब्दिनो गुरै लेहेम आरो अनसुली गोसोनि थाखायनो हिन्जाव माहारीफ्रा सैथो आरो धोरोमखौ गोबांसिन बासा बोनी हायो। जोनोमगिरि बे बिमा माहारीआनो दुखु-जाल्ला, रायनाय, बुंनय बेफोर गोबां हेंथा सत्तखौ सहायनो हाग्रा सहायसुली। गोबांसिन दुखु-जाल्ला, खोथा-बाथा लाखोमानानै दोनखोमानो हाग्रा बे हिन्जाव माहारी। नाथाय माखासे हिन्जाव माहारीफ्रा सहायसुली एबा सैथोगिरि नड। थैवबो बुंनो थाडोब्ला बिफोर आइजो माहारीफ्रा बारगा आखु आरो अहं खारनि

दौलेंजौंसो बोब्रेजानाय बुंजायो। नाथाय बिसोरबो उनाव बे सैथो आरो धोरोमनि बिगोमानि आथिंआवनो नागिरबायनानै गोगलै फिन्नाडो। बिनि थाखायनो जौं बयबो देरनाय लोगो लोगो सैथो आरो धोरोमजौं अगान सुरलाडोब्ला थानानै थानायाव जिउ लामाया अराय सोरां आरो गोथार जालांगोन।

हिन्जाव माहारिनि कुलआव जोनोम मोन्दो होन्नायै जौं हिन्जावफ्रा साधु एबा ईशोर फुजिग्रा सन्यासी बादि जानाड बे नड। मानोना हौवानो जा एबा हिन्जावआनो जा जौं बयबो ईशोरनिनो फिसा। बे ब्रह्मान्दरआव 84 लाख जगीनि गेजेराव मानसि जोनोमआनो साबसिन आरो देरसिन। बे मानसि जोनोम मोनसेयावबो जौं इसोरखौ सिनायनो रोडब्ला जौनि जोनोमआनो नंखाय बुंजायो। बिनिखायनो जौं गोसोनि खोथाखौ फोरमाइनो रॅनायनि थाखायनो जौं बयबो ईशोरनि सैथो धोरोमखौ फालिनांगौ। हिन्दुआनो जा

खुष्टानआनो जा गासिबो धोरोमनि बाणीनि गुणफ्रानो बे एखे सै थोखौ मानिनाय। रावखौबो थगायै, मालाइनि इनाय सानै देतसिनखौ मानिनाय, गुबुनखौ गावबादि सान्नाइ आरो हिन्जाव माहारीया फिसाइखौ अराय गंग्लाइनाय।

हिन्जाव माहारीया देरनाय लोगो लोगो आबु गोनां आखुखौ नोजोर होनायै सोलोनी रॅनांगौ। बेफोरबादि गियानजौं साथिफबनाय आखुनि हिन्जाव माहारीखौ बुंनो थाडोब्ला गुबुन हारिफोरनाव बांसिन नुनो मोनो। जैरै बिमा बिफाखौ मान होनाय, बेवयाइ एबा देरसिनखौ मान होनाय, फिसायखौ फुं-बेलासि, जानाय लौनाय उन्दुनायाव खुलुमनाय आरो धोरोम निथिफोरखौ गोबां मानिनाय नुनो मोनो। जैरै मानिदो एरैनो बिसि-फिसा फोलेरफ्राबो गोजौ थाखोनि मासियाव गाखो लांनो हासिन्दो बुंजायो। नाथाय जौनि बर' हिन्जाव माहारीफोरनि बिमा-बिफा फुजिनाय, फिसाइखौ मान होनायफोरखौ गोबां फाराग

थानाय नुनो मोनो। बर' हिन्जावफोरनि बिमा बिफा फुजिनायफ्रा आरो फिसाइखौ मान होनायफ्रा संसार जानायाव मावयै दाडै समानै देहाबो गारफानानै न'खर सहाय होनायखौनो जौं गोबां मान होनाय बादि मोनो। जौनि गोबांसिन आइजोफ्रा गात्रि फावयै फिसाइखौ रइला बाइनाय नुनो मोनो। नाथाइ बुंनो थाडोब्ला बेफोर आखु एबा गुनफ्रा सैथो एबा धोरोमआव गोगलैनाय जाया। जौनि बिमा माहारीफ्रा गुरै आरो हागौमानि गौदै खोथा रावफ्राव बाहायग्रासो जानो हानांगौ। होमब्लासो जौनि फिसाफोर उन जोलैफ्रा गोथार आखु गुणफोरखौ सोलौंगोन। जौनि बर' माहारीनि उन जोलैनि फिसाफ्राबो सैथो आरो धोरोमखौ गंग्लयानानै फालिनायै जानो रॅंगोन। होमब्लासो जौनि उन जोलैनि फिसाफोरनि गोबांयाव साधक-साधणी-सती फिसा आरो बीर फिसाफोर जोनोम मोन्नो हागोन। जौं सानोजे धोरोमनि रेखाखौ जोनोमजौं लोगोसेयैनो लानानै

फैखायो होन्नायै। नाथाय गोबांसिन मानसिफ्रानो गाव-गावनि नाजानाय गोहोनि गुणजौंसो शक्तिखौ मोन्नो हायो। जैरै गान्दारी, मन्ददरी आरो बर' माहारि बिमा हिरिम्बा, दैवकी कुन्ती देवी कौसुला, आरो सुमित्रा मोनहा गाव गावसिनि फुजिनाय सैथोखौ मानिनायावसो बिसोरो सतीनि गोहो गुणखौ मोन्नो हादो। बिसोर बिमाफोरनि गोबांआव बीर-महाबीर जोनोम मोन्नो मोन्दो। अदेबानि दा जौनि बर' माहारीयाबो सतीनि गोहो गुणफोरखौ बुधुमनो नाजानांसिगौ। जाहाथे जौनि बर' बिमानि गोबांआव अमर बीर जोहोलाव जोनोम मोनो। बबेखानि बर' बिमानि गोबांयावबो गोबां बर' बीर जोहोलाव जोनोम मोन्दोमोन। नाथाय फोथाइ खेबस' बर' हारिया गावनि फिसाखौ बीर फिसा होन्नायै सिनाइ रोडैयाव निरुदुर गोसोयै फोजोबनानै लाबोदो। बिनिखायनो रावबो बीर जोहोलावआनो थावरि फुडखै।

## सुंद'सल'

मुश्री धनेश्वर बसुमतारी

दिहिरा गामिनि नेसॅनआ सि.आर.पि.एफ. आव साखि मावनाया बोसोरथाम जाबाय। दा बियो गावनि जोनोम जायगाखौ नागारना बेसेबा रिउ-रिउ गोजान उरिप्या हादोदसानि सिट्रकाण्डा होन्नाय दाबसे जायगायाव बोसोरनै जाफैबाय दीउती मावफै नाया। बिनिखायनो जोनोम जायगा आरो नखरखौ नायस्रानो गोसो जानायलाय दान्नेनि सुटिनि आरज बिलाइ होनायसै नेसॅना अफिसार इन्सास'नो। इन्सास'आबो मानिनायसै।

सानसे खालि सानथामनि उनाव न' मोनफै नायसै। नेसॅना खामसालिआव जिरायना थानाय बिमा बिफाखौ गुगुरुब खुलुमफैनायसै। बिमा बिफाया खुसि मोन्नायै बीर होनायसै जिउ गोलाव जाथौं होन्नायै फिसाखौ। बिदा बिबाजैआबो मा होगोन मा दोनगोन जालायबाबो नेसॅननो। दुगैखां जाहोखांनयनि उनाव बिनानाव रिनायाबो गंसे रुमाव उन्दुनो लिंलाडो। नेसॅना लाबोफानाय आपेल, आंगु, नारै कमला फोरखौ नखरनि बयबो रान्ना जालायबाय। बिब्दिनो हरसे बारलांबाय। देवालि फुजा एबा हलिआव नखरनि गासैनोबो गोदान सि बायना होयो, फुजा नायनायनि मुडव रांफोरखौबो रान्ना होयो। नेसॅनआ गावनि सिगां कलेजाव फरायजाबनाय सेंग्रा सिख्लाफोरनोबो मिथाइ जाहोयो, फिल्म नायज्लायो फु जायाव। गोबां मोजां सिख्लाफोरजौं फुजायाव लोगो मोनज्लायना बिनि गोसोआ अराय सम अनजालि सिख्लाफोरजौल' बेरायथिग्रा जालाडो। बियो गावनि नखरनि सुबुंफोरखौबो बावगारलांलायो। बिब्दिनो रंजालि

# नौंजौंखौ दुसिनो मोन्नाय नडदे

बैसागु बोथोरखौबो बरायहरो नेसॅनआ। बे गोदान बोथोराव नेसॅनआ गोदान मिजिनि गाबजौं एबा आबिर सारफवनायजौं संसारखौ नुदो। बिफां-लायफां, दावसेन-दावलाफ्राबो, ना खुरसाफ्राबो जुलिलायै लायै समाय होदो मिथिंगा राणीखौ। जानांगौ नेसॅनाबो बायदिखौनो सान्दो।

सानसे खालि नेसॅना गामियाव लोगोफोरजौं जौ लौना एन्जयमेन्ट खालामदो। बियो लोगोफोरखौबो बुडे-ओइ अनजालु, अनिल, नौंसोरबो नामावसो सेंग्रा आंनो आगै सासेखौनो लाबोना होफैनो हाया। नौंसोरबा हले हिनजाव मोन्नो रोडै गोजासो दे। लोगोफ्रा लाजिहां रागाजौंहां जालायो होद नौंनो लोप्रोदोब्रा नौंस्रा साखि दं बाखि दं, जौंहालाय मा दंखाय ? जौ फेना नआव बाज्रेत बाश्रेद हाबफैयो आरो बखिलाबायो। आं नायनो थिन्नाय हिनजावखौ गाबोन लायथारदोलै नौंसोर मा बुजियालै। बिमा बिफाया

सानसेखालि नेसॅना गामियाव लोगोफोरजौं जौ लौना एन्जयमेन्ट खालामदो। बियो लोगोफोरखौबो बुडे-ओइ अनजालु, अनिल, नौंसोरबो नामावसो सेंग्रा आंनो आगै सासेखौनो लाबोना होफैनो हाया। नौंसोरबा हले हिनजाव मोन्नो रोडै गोजासो दे। लोगोफ्रा लाजिहां रागाजौंहां जालायो होद नौंनो लोप्रोदोब्रा नौंस्रा साखि दं बाखि दं, जौंहालाय मा दंखाय ? जौ फेना नआव बाज्रेत बाश्रेद हाबफैयो आरो बखिलाबायो। आं नायनो थिन्नाय हिनजावखौ गाबोन लायथारदोलै नौंसोर मा बुजियालै। बिमा बिफाया

अरायबो फिसानि मोजांखौ हास्थायखायो। अखानायै नेसॅन बिमाइ मोनखौ लानानै खन्थायश्रीखौ हाबानि खालार थिग खालामहैयो बिमा बिफा मोना। बिब्दिनो सानसे बैसागनि जिसे खालारखालि नेसॅन आरो खन्थायश्रीजौं गाजा जोमजायै हाबा जाना थाडो। नाथाय हाबा खालामनानैबो नेसॅना जेबो सुखु मोनाखिसै। मानोना बिनि सुटिआ आरो

सानबाल'सै मोन। खन्थायश्रीआबो जानो हागौ थिथानोसे समाव बेसेबा गोथार मोजां मोन्नाय आरो अनज्लायनायखौ गोसोखाना मेगन थायनैनिफ्राय बे बुहुम बिखायाव मोदैन बाना बोहै लांदोमोन। हिनजाव मोनहानि नआवबो बिदाय हैबाय बिहाव बिखुनजोमोनखौ। बिब्दिनो मे दाननि बा खालाराव गावनि पष्टआव हाजिर जाहैबाय नेसॅनआ गाबै-गाबै माल्बाबानो उरिप्या हादोदसा मोनहैबाय। बिब्दिनो नेसॅनआ

बेवहाय बारा गोबाव थाबाय थानो मोजां मोनला। सान्ने सानथामखौनो दानसे गाहाम दिन थानाय बायदि मोन्नायसै बियो। गावहा नख'राव फन गैयैनि थाखाय इसे असुबदा जायो खबर हरनो। थैवब्लाबो गामिआवनो नेसॅनआ फन हरो गावनिनो असो बिब' बिगुमै मोन्नाव। बिब' मोन्नाव सोंहरसै फनजौं-आंनि हिनजावआ मोजाडै दंन गैया आब' ? बिखौ लिंन लाबोनायै रायज्लायो नेसॅना खन्थायश्री नौं बारा खस्त' खामानिखौ मावनाड दे, आं थासान्दिआव नखरा आंखौ जेबो बुंनो हाया। बारा बाहेरावबो दा बेराय आं नौंखौ नुनो मोनब्लासो गोजोनसै खन्थायश्री नै आं जुननि नैजि खालाराव नआव थांसिगोन। नआव खिन्था। दे बिदिब्ला दिने एंगारथ'बाय होन्ना दोन्नायसै फनजौं रायज्लायनायखौ। बिब्दिनो दानसे हगारहरबाय गावनि दिउतीआव। नाथाय बिनि गोसोआ नखरखौ सानै सानै गोसोनि बेरामजौं गाग्लोबजानायसै। जेबो खामानिखौनो मोजाडैमावफुंनो

हाला बियो रागाजौं सिलाइफोरखौ गावगारला बायो नाडा-फाडा खामानिआव। जायनि थाखाय कामाण्डारफोरजौं नालिसनि अनजिमा गैया साजा सहायनाडो नेसॅना। बिजौं मावजावनाय लोगोफ्राबो गोमोहाबनो गोनां जायो आरो बिखौ बुजायनानै नआव थानो थिनहरनायसै। सानसे नेसॅनखौ लोगो सासेआ नआव दोनफैना थाडो। बे बाराव फेनाय नेसॅना सिगांनि नेसॅन नंलामोन। मानोना बियो गावखौनो मुगैग्रा जाबाय आं मानो हाबा जाखो ? आंनि गेदेर बैसोनि गोबां सेंग्रा लोगोफ्रानो दाबो हाबा लायाखै। सान्नाया इसेबो थिर गैया बिहा मोनसेनि उनाव मोनसे फैबाय थायो। सासे हिनजावनि थाखै इसेबां खस्त' सहायनंगौ दड। एसेबां गोथार मोजां मोनज्लायना संसार जानो सान्नाया जेबो थांखि गैया निरासा बायदि जालाडो खन्थाइश्रीआबो। थैवबो नखरनि अन्नायाव थुलुगायाव थांन थादो। नेसॅनखौ गोबां डाक्टर अजाजौं नायहोदो मोदाइ दावदायनि साया नांदो

# टी-20 वर्ल्ड काप: ग्रुप 1 आव इंग्लेण्ड-अस्ट्रेलियाआ समान समान, ग्रुप 2 आव पाकिस्तानआ गिबि जायगाखौ आवग्रिदो

गोदान दिल्ली, 31 अक्टबर: इउएइ आरो अमानआव खुंजानाय टी-20 वर्ल्ड कापनि बादायलायनाय मेचआव शुक्रवारखालि वेस्ट इन्डिजआ मोजाडै गेलैनायै दिथिफुंनयजौं बांलादेशखौ 3 राननि फारागथिआव फेजेन्नो हायो आरो गुबुन मोनसे मेचआव पाकिस्तानआ आफगानिस्तानखौ सा 5 उइकेटजौं गोलैयैनो फेजेनो। लाश्रियै थामथि खेब देरहानायजौं पाकिस्तानआ बादायलायनाय टुर्नामेन्टनि सेमिफाइनलाव सौहैनाया रोख जाबाय। बादायलायनाय टुर्नामेन्टआव पाकिस्तानआ



आफगानिस्तानखौ फेजेन्नो हानायजौं सुपार 12 ग्रुप 2 नि थाखोआव गिबि जायगा आवग्रिनानै दड। ग्रुप 1 नि थाखोआव इंग्लेण्ड आरो अस्ट्रेलियानि हान्जाया लाश्रियै 2-2 मेचआव देरहानायजौं पइन्टनि फारिलाइयान समान समान नेट रन रेटनि सायाव बिथा खालामनायाव इंग्लेण्ड हान्जाया

गिबि जायगा आवग्रिनानै दड। मोननैबो हान्जाया 4-4 पइन्टजौं ग्रुप 1 नि थाखोआव मोजाडैनो गेलैनायै दिथिफुंनो हादो। थानाय सानआव जानाय मेच बायदिनो दिने शनिबारनि मेचआवबो आफ्रिका-श्रीलंका आरो इंग्लेण्ड-अस्ट्रेलियानि हान्जाया गावसोरनि गोहोखौ दिथिफुंलायगोन।

## केरेलानि भालियाझिक्कल लाइटहाउसनि गोदान गुदि बिथाखौ बेखेवनानै होबाय मिरु मन्थि सर्बानन्द सनवालआ

गुजरात, 31 अक्टबर: मिरु गाथोन, जाहाज हान्था-मेला, दे लामा आरो मिरु आयुष मन्थि सर्बानन्द सनवालआ मैया शनिबारखालि के लेरानि आलापुझा जिल्लायाव थानाय भालियाझिक्कल लाइटहाउसनि गोदान गुदि बिथाखौ बेखेवदों। केरेलानि कचिन गाथोननि थाखाय गोनां थार बे लाइटहाउसआ गाथोननि रहाफोरनि बिथिडव थि बिफव लागोन। लाबोनाय, दैथायहरनायनि अनगायैबो लैथोनि जाहाज हान्था-मेलानि बिथिडव बे लाइटहाउसआ नांजावफा बिफान आरो नाबिकफोरनि थाखाय जोबोद



हेफाजाब गोनां जागोन। बिफावआ मख 'जाथाव जागोन होन्नानै सर्बानन्द सनवालआ बुंथियो। बेनि अनगायैबो मिरु मन्थि सनवालआ बुंदोंदि, आजादी का अमृत फोर्बोखौ लोब्बा लानानै दुलाराइ भारतआव मोन 75 लाइटहाउसखौ दावबायारि

जायगा महरै सोरजनाय जागोन। केरेलानि भालियाझिक्कल लाइटहाउसआ भारतनि गंसेल' पेयगनेल लाइटहाउस। बे गोदान गुदि बिथाया सहरनि मोनसे गोसो बोनो हानाय मिरु महरै मिबथिजागोन आरो लैथोनि जाहाज हान्था-मेलाया मोजां जागोन होन्नानै मिरु मन्थिआ बुंथियो। बे हाबाफारियाव मिरु मन्थिजों लोगोसे दंफायोमोन जायगानि एमपि ए.एम, आरिफ, एमएलए रमेश सेन्तिल्ला, लाइटहाउस आरो लाइटसिफ बिथोनगिरि मावख 'नि सामलायगिरि गहाय एन. मुरुगनुम, मिरु गाथोन, जाहाज-हान्था-मेला आरो दै लामा मन्थि आरो कसिन गाथोन न्यासनि बिबानगिरिफोर आरो माखासे मान गोनां सुबु'फोरा दंफायोमोन।

## शंकरब्रत रायमेधिनो भारत सरकारनि नख 'र बिफानआ जर 'खा संदान्नायनि मेडेल गथायदों

गुवाहाटी, 31 अक्टबर: आसाम पुलिसखौ गोंगा होदों सासे असमीया आइपिएस बिबानगिरिआ। माहारियारि संदानग्रा आफादनि गोदान दिल्लीयाव थानाय गहाय मावखुलियाव पुलिस बिबानगिरि (एसपि) महरै खामानि मावनाय आसाम-मेघालय केडारनि आइपिएस बिबानगिरि शंकरब्रत रायमेधिनो मिरुआरि नख 'र बिफानआ जर 'खा संदान्नाय हाबाफारिनि मेडेल गथायनानै होदों। मख 'नो गोनांदि, 2020 माइथाय 7 अक्टबरवा गसै मुलुगयावोनो थानाय उतखारि आफाद इस्तामिक स्टेट, सुंदयै आइसिसनि हेंथायै जाकुंसारनाय संदान्नाय हाबाफारिनि थाखाय बे



मेडेलखौ मोन्नो हादों। शंकरब्रत मेधिआ आगुआव नगाव पुलिस बिबानगिरि महरै खामानि मावबोबाय थानाय थासारियाव नगावआव सोमजिनाय बतद्रबा जिनाहारि खालामनाय जाथायखौ गोखे आरो थि संदान्नायनि थाखाय मिरुआरि नख 'र बिफाननि जर 'खा बान्था मोन्नो हादोंमोन। जेराव राय मेधिआ बे मेडेलखौ मोन्नाय

सेथि असमीया बिबानगिरि जादोंमोन। बे खेबावबो शंकरब्रत मेधिआ बे मेडेल मोन्नो हानाया गसै आसामआरिखौ गोंगा होदों। उतखारि आफादनि थाखाय सिप्रोमनाय हाबाफारि लानाय माहारियारि संदानग्रा आफादनि सा 16 बिबानगिरिफोरनोबो मिरुआरि नख 'र मन्थिआ बे मेडेलखौ गथायनानै होदों।

## सर्दार पाटेलनि जोनोम सानाव हादतगिरि रामनाथ कबिन्दआ मान बाउदों



गोदान दिल्ली, 31 अक्टबर: दिनें भारतनि आगुनि लेडइ गहाय मन्थि आरो नखर मन्थि सरदार बल्लभ भाइ पाटेलनि जोनोम सान। बे सनाव बोसोरफ्रोमबो माहारियारि खोसेथि सान फालिनाय जायो। सोलिफु बोसोराव सरदार

बल्लभ भाइ पाटेलनि 145 थि जोनोम सान फालिनाय जादों। मख 'जाथावदि, बिथाड 560 राजाजों खुं जानाय फिसा राजज्योफोरखौ खौसेथियाव लाबोनो थाखाय गहाय बिबान लादोंमोन। सरदार भाइ पाटेलनि बे खोसेथि सानखौ हादतनि गसै

राइज्यो राजाफोरखौ खौसेथिनि नेमखाथिखौ लाखिनो खाथाय फालिनाय जायो। दिनेंनि बे जर 'खा सानआव गसै भारतनि नोगोरारिफोरा बिथांखौ खुलुमो। गुबुन फारसेथि नख 'र मन्थि अमित शाहआ गुजरातनि के बडियाआव मोनसे

हाबाफारियाव बाहागो लागोन। मिरुनि मन्थि नितिन गडकारिआबो सरदार बल्लभ भाइ पाटेलनि जोनोम सानाव बिथांखौ मान बाउदों। मख 'जाथावदि, सरदार बल्लभ भाइ पाटेलआ भारतनि फिसा राइज्योफोरखौ खौसेथि खालामनायदों लोगोसे भारतखौ हरिमायारि थाखोआव मोनसे मोजां नैसोंन होदोंमोन। मिरुनि मन्थि हरदिप सिं पुरिआबो बिथांखौ मान बावदों आरो उदां भारतनि आइरन मेनस उदां भारतनि ग्रेन्ड आरकिटेक्ट आरो भारत रत्न बिमुं मोन्नाय सरदार बल्लभ भाइ पाटेलखौ खुलुमो होन्ना बिथाड सशेल मिडियाव लिरदोंमोन। भारतनि उदांसि सोमावसारनाय आरो भारतखौ मोनसे खौसेथिनि जौगाथाय महर होनायाव बिथांनि बिहोमाया बाखायथाव।

## हादतआव कभिड-19 बेमार होबथाग्रा टिका थुनायनि अन्जिमाया 105 कौटि बारबाय

गोदान दिल्ली, 31 अक्टबर : हादतआव करनानि हेंथायै टिका थुनाय हाबाफारिखौ गोखेयै सालायगसिनो दड, मिरुयारि सावस्त्रि बिफाननि फारसिनफ्राय फोसावनाय खौरनि बायदिब्ला, हादतआव शुक्रबार सिमाव कभिड-19 बेमार होबथाग्रा टिकफोरनि 105 कौटिनिखुइ बांसिन ड्रपखौ थुखांबाय। मिरुयारि सावस्त्रि मन्थि मनसुख मन्डाबियाआ ट्रिट्ट खालामनानै बेखौ बाखोनायो। बिथाड 10.5 कौटि टिका थुनाय सुबुफोरनो हमलायथि बावयो। मानोना भारतनि कभिड-19 बेमार होबथाग्रा टिका थुनाय हाबाफारिया गोदान बाखायनायखौ मोन्नो हायो। मिरुयारि सावस्त्रि बिफाननि बाइदिब्ला, थानाय शुक्रबार खालि भेक्सिननि 51 लाखनिखुइ बांसिनै (51,59,258) ड्रप थुयो। मख 'नो गोनांदि, हादतआव करनानि हेंथायै टिका थुनाय हाबाफारिया 16 जानुवारीयाव



जागायदोंमोन। बयनिखुइ सिगां सावस्त्रियारि मावसुमाफोरनो टिका थुनाय हाबाफारिखौ जागायदोंमोन। बेनि उनाव 2 फेब्रुवारीनिफ्राय फ्रन्ट लाइन वाकारफोरनो टिका थुनायखौ जागायदोंमोन। थानाय 1 मेंनिफ्राय गसै बैसो गोरफोरनो करना होबथाग्रा टिका थुनायखौ जागायदोंमोन।

अ निज मा नि बायदिब्ला, हादत नाडै दासिमाव करना होबथाग्रा भेक्सिननि गसै 105.32 कौटि ड्रप थुनाय जाबाय। बेयाव गिबि ड्रपआ 72-95 कौटि आरो नैथि ड्रपआ 32-34 कौटि। आथिखालाव सरकारा नैथि ड्रप थुनायनि सायाव बांसिनै बोलो होगासिनो दड। मानोना 19

कौटिनिखुइ बांसिन औरैबायदि सुबुफोर दड जायफोरनो नैथि ड्रप थुनायनि समा जाबाय। करनानि हेंथायै भारतनि बे दावहाया बाख्लायजाथाव। इउर 'पियान आयगनि आफादगिरि उर्सुला वान डेर लेयेनआ शुक्र बारखालि कभिड-19 नि हेंथायै टिका थुनायाव जौगाथानायखौ लानानै भारतखौ बाखायो।

## कभिड-19: आसामखौ मिरु देहा बिफानआ सांग्रांथि जानो खावलायहरदों

गुवाहाटी, 31 अक्टबर: दुफानि फोर्बोनि थासारियाव राइज्योयाव कभिडनि थासारि आरो सन्देरनाय बांनानि मिजिंखौ लानानै आसाम आरो सोनाब बंग'खौ मिरु देहा बिफानआ सांग्रांथि हरदों। देहा बिफाननि लेडइ नेहाथारि आरती आहुजाया दरनै राइज्योनि गहाय

नेहाथारिफोरनो लाइजाम दैथायहरनानै कभिड सन्देरनायनि बांनानि मिजिंफोरखौ लानानै सांग्रांथि जाना थानो बोसोन हरदों। बे समाव सुबुफोरनि थुबुर जानाय आरो दावबायनायखौ बाडइ खालामनायनि थाखायबो लाइजामआव बिथोन हरदों बिफानआ।

नेहाथारिफोरनो लाइजाम दैथायहरनानै कभिड सन्देरनायनि बांनानि मिजिंफोरखौ लानानै सांग्रांथि जाना थानो बोसोन हरदों। बे समाव सुबुफोरनि थुबुर जानाय आरो दावबायनायखौ बाडइ खालामनायनि थाखायबो लाइजामआव बिथोन हरदों बिफानआ।

नेहाथारिफोरनो लाइजाम दैथायहरनानै कभिड सन्देरनायनि बांनानि मिजिंफोरखौ लानानै सांग्रांथि जाना थानो बोसोन हरदों। बे समाव सुबुफोरनि थुबुर जानाय आरो दावबायनायखौ बाडइ खालामनायनि थाखायबो लाइजामआव बिथोन हरदों बिफानआ।

## भारतनि गिबिसिन सुबुं थांफानाय लैथोमा मिसनखौ बेखेवबाय

चेन्नाइ, 31 अक्टबर: मिरु मन्थि जितेन्द्र सिंआ शुक्र बारखालि भारतनि गिबिसिन सुबुं थाफानाय लैथोमा मिसन समुद्रयानखौ बेखेवनानै होयो। बेजों लोगोसे हादरआ बे हादरफोरनि जर 'खा क्लाबआव थाफानो हाबाय, जायफोरहा लैथोमानि हाबाफारिखौ मावफुंनो थाखाय बे बादि दैनि सिंनि जोन्थोरआव दड। बेखौ बेखेवनानै होनाय खाबुआव मन्थि सिंआ बुडोदि, हादरआ बिगियान आरो गोनोखोनि बिथिडव गिदिर जौगाथानायखौ मोन्नो हाबाय। मन्थिआ टुइट खालामनानै मिथिहोयोदि, चेन्नाइआव भारतनि गिबिसिन सुबुं थांफानाय लैथोमा मिसन समुद्रयानखौ बेखेवबाय। भारतआ आमेरिका, रसिया, जापान, फ्रान्स आरो चीन हादरफोरनि जर 'खा क्लाबआव थाफानो हाबाय। लोंग्रा दै आरो क्लिन इन्वर्जिनि



थाखाय लैथोमायारि सम्पदफोरखौ संदान्नायनि थांथिथै मोनसे गोदान संदान्नायखौ जागायनाय जादों। बे बिहोमा होनायफोर खालि बिगियानारि हाबाफारिनि बेंख-थायावल' थाबथानानै थानाय नडा, बेयो भारतनि माहारियारि सन्मान आर्जिनायावबो बिहोमा गोनां जागोन। बे गोनोखोजों मुलुग बिगियान मावख 'आ हेफाजाब मोनगोन आरो 5,500 मिटार गोथों

लैथोमायाव जिउ गैयै सम्पदफोर जैरै पलिमेटेलिक मेंगानीज नाडयुल, हाइड्रजेन गेस, हाइड्र थर्मल साफ्लाइड आरो कबाल्ट क्रास्टफोरखौ नागिरहेनो हागोन। बिथाड फोरमायबावोदि, सुबुं थांफानो हानाय साबसिबल MATSYA6000 नि खामानिआ अबुं जाबाय आरो बेखौ इसर', आइआइएएम आरो डिआरडिअजों लोगोसे गुबुन फसंथानफोरजोंबो हाबा मावनो हासिगोन।

## लाइमोन जिउ, मोनसे ओंथि गोनां सम

(□ थांनय विसाननिफ्राय) हागौ। समाजनि नेमखाथि गैयि, इनाय अनागारि हाबाफारिजों मोगा-मोगि जानानानैबो लाइमोनफोरनि गोजों सिमाड थुंगेयोब्ला बिदि थासारिजों गंगलायनो लुबैयो लाइमोन सेंग्रा-सिख्लानि गोसोआ बिरग्राइखाडो। बेफोरनि जाउनाव हादोरफोरारैखाथि गैयि आबुथि, गांज्रि साननाय आरो लोरबांथि जोनोम जायो। लाइमोनफोर जेब्लाबो देरिसिननिफ्राय गियान बोसोन लानो आरो सोल्लोंनो लुबैयो। अदेबानि खाइसे लाइमोनफोरनि बेलायाव बेफोर आखुफोरखौ नुनो मोना। बेनिखायनो लाइमोनफोरखौ समाजनि मोजांनि थाखाय सामलाय लांनानैगौब्ला सोल्लोंसालि

आरो गावनि न'आवनो हाबा आरो बाथ्रानि गेजेरजों थार सोल्लोंथाइनि राहा खालामनाय गोनां। बे थार सोल्लोंथाइखौ मोनो हानाय बादियै नखर आरो समाजनि मोजां बारहावानिबो गोनां जायो। बिखाइनो, नख'र आरो समाजनि सोलिनाय नेमखाथि आसारखानिथ, मावनाय-दानायनि, थार बिदिन्थिनि गेजेरजों लाइमोनफोरनो गियान होनो हागौ। लाइमोन सेंग्रा-सिख्लानिफोरनि गोसोआव उल्था आथोननि थाखाय साननाया सिमा गैया। जायनि थाखाय गोबां समाव गोसोनि सायाव सामलाइनायखौ खोमानानै गेब्रे गोरोरिथि साननो हाथि जानानै लाइमोन सेंग्रा-सिख्लानि गोसोआव बेरखांनय आथोनआरि साननायआ गोबां

जेंना सोमजि होयो आरो गोसोनि साननायखौ लोरबां खालामो। आथोनआरि आयदानि गोबां बाथ्रा गुबुन गुबुन फुंखाफोर जैरै-बिजाब लाइसि, लोगो टि.भि. फोरानो मख'जाथाव। बेनि अनगायैबो, दानि गोदान टेकन'लजिनि इन्टरनेट आरो हाथाइ-बाजारवा मोननाय ब्लु डिक्स-केसेटफोरा लाइमोन जिउ समखौ बांसिनै आथोनआरि जेंनायाव खोख्लैनाय नुनो मोनसिन्दों। जाहोनाव गांज्रि लामाजों दैदेन जानाय बिदि लाइमोन सेंग्रा सिख्लानिफोरा आथोनआरि मोन्दांथि लानो थानानै आथोनआरि बेराम एकुवार्ड इमिउ न'डे फिसियेनसि सिन्दम (एडिस) बायदि बेरामआव गोल्लैनो गोनां जादों। जाय बेरामनिफ्राय दिनें सिमबो

बारग'नो हानायनि राहा दिहुनो हानाय जायाखै। मिथिनो लुबैनायाबो लाइमोनफोरनि मोनसे जेंना सोमजि होग्रा फुंखा। बेनो जाबाय फेग्रा सुवानि मोन्दांथि लानो लुबैनाय। मानोना बे बैसोआव बिसोरनि गोदान रंग'थि मोननो लुबैनाय, बांसिनै मिथिनो लुबैनायनि सिमा गैया। खेबसे बिदि होबथा जानायनिफ्राय एरायना फाख'नाव गोल्लैब्ला बेनिफ्राय बारग'नो हानाया गोब्राबथार आरो हाब्लाबो समाजआव आगोलनि जायगा मोनफिननाया गोब्राब। जाय सानफ्रोमनिबो जिउ-खुनायाव हें था होबोगासिनो थानाय नुनो मोनो। बबेखानि बिदि माखासे गांज्रि थासारिनिफ्राय बारग'नो थाखाय गोबां सोरखारि आरो सोरकारि नडै गौथुमफोरा राहा लादों आरो उथिनोबो हादों। मोनसे

समाव हादर दानायनि बिबानखौ लाइमोनफोरा गावनि आखाइआव लानांगौ जायो। बिनिखाइनो लाइमोनफोर थार सोल्लोंथाइनि गेजेरजों जैरै बादियै आखा-फाखा, रेंखा-रखा खालामना लानांगोन जाहाथे मोजां आखल आखुथाइनि बिगोमा जानानै गिया जासे सोल्लोंथाइ, समाजखाथि, राजखाथि गसै आयदाफोरावबो गावनि हारोंथाइनि गोहोम खोख्लैनाय हादरनि उनफारि मोजां मावनो हायो। बिदि सोल्लोंथाइखौ लाइमोनफोरा गावनि न'आव, सोल्लोंसालिनि फोथाराव, गोबां लेखा-बिजाब, नुथाइ आरो खोननाय बिजोंजों एरै बादियै होनाया मोजां जाहाथे होबथाजानाय आयदानि बागै मिथिनो लुबैनाया बंलाड जासे जानगरना थानो हायो।

# सायखं नों र जे

# जुलिया नडा गुबुनजों

# रंजालि गथ' फोरनि सौरा

## नों बावबाय नामा?

नों बावबाय नामा आदि नोंखौ बेसेबांवा मोजां मोनो, नाथाय नोंखौ मोननो थाखाय आदि नोंखौ सान थोवा हर थोवा गोसोखांबाइ थायो। थायो आं सना आंनि बेसेबांदि आंनि अननाय आरो मोजां मोनाइ फोरमायनो सानो, आं सना गोर्बो बिखा बुंफबनानै आं नोंनो आंनि अन्नायखौ आं फोरमायनो सानो, नाथाय हाया नोंखौ लोगो हमनो, फोरमायनो सानोदि आं नोंनो आंनि गोसो गोर्बोनि बाथ्रा नोंनो बेखेवना होनो नाथाय नाथाइ आंनि गोसाआल' खुद्रिदों, नाथाय नोंजों बाथ्रा फंसे राइज्जाइनो सानो, नाथाय नोंखौ लोगो मोनब्लानो आंनि खुगाया गेवा; आं जेबो बुजिनो हालिया नोडे आंनि मोजां मोनाइखौ मोन्दां हाबाय बोला फोलोमदो नों आंनि हाबिला गोसोखौ, बिनानाव दं आंहा नोंनि थाखाय हांमा आंनि गोसो गोर्बोआव; होदो नों नोंनि खुगानिफ्राय फंसे नोंनि गोदे राव।

**मुस्त्रि फानुएल नार्जारी कासिबारी हाइ स्कुल थाखो-स्त्रि (7) जिला- कक्राझार, बि.टि.ए.डि. बैसो-जिब्रै (14) बोसोर**

## लिमारिक

(1) थाइगित गुरिनिलाइ दुमफे गावदां फरायदों नोंलाइ क्लास ओइड फारसे थिडै हगार हरबाय थादों गोसोखौ जिरन गाथिआनोसो

(2) होनोलाइ थिदिमोन बियो मेट्रिक पास खालामनो फासै थिडै बिन गोसोआ थिनदों हाबा जागोसै जागोसै माब्लानि समाव जुलिन खौरां मोननोसै।

(3) सानसै बिन गोसोआव खाथि खाथि नुवाबा जिहं फाहं मोनलायो दसे नुवाबानो बुहुमखौनो दरसि खोमसि मोनलायो जासै सानफ्रामबो बियो

(4) जिरन गाथिआनि थाखैनो खावब्ला सिख्ला फरायदिमोन नोंलाइ दुमफे गावदां ख्लास ओदुला बेवनो जाबाय नोंनि गोसोआ फिसायनि हांखुर बांखुर जाहोमारनोसै नामा नोंलाइ दुमफे दावदां जुलिखौनो ग्रोम ग्रोम।

**मिस अन्जिमा क्लाहारा कासियाबारी गोर्बो फरायसालि थाखो- डाइन (8), गामि: सुरेन्द्रपुर ला:सो:- कासियाबारी जिला- कक्राझार, बि टि सि**

## बर' हादोर

जोनोम आंनि आसाम हादोरार राव आंनि बड' फोलेराव थायो गोजोन सुदेम देरायाव दैदेनगिरि बड' जोहोलावनि राव आंनि बड' बिमानि रिंखाडे देखो रावनि। जाबोबाय गोदो गोदाव सोराव बड' हारि देरहाबो फिनबाय फारि-फारि बेनो आंनि बड' हारि। देरबाय लावबाय मिजिंथिबाय रोंबाय राबाय बराय जाबाय नुवाय खोनाबाय रंजाबाय।

**थरायना अनिमिया नार्जारी गामि:- गौरां तिनालि ला:सो:- हालतुगाव जिला:- कक्राझार**

## गियाननि फुंखा

**मुस्त्रि बिजित गोरा बसुमतारि भेहगुरि, बरपेटा**

**सोंनाय:-**  
1. भारतआ मा माइथाइन मा अक्टनि बेसे समाव उदांश्री मोनामोन ?  
2. बर'नि चीना दावबायारीआ सोर ?  
3. W.H.O.खौ मा माइथाइन मा अक्टआव गायसन्नाय जादोंमोन ?  
4. गुवाहाटीनि कटन कलेजखौ माब्ला गायसन्नाय जादोंमोन ?  
5. बुहुमनि साबसिन हकि गेलेगिरिआ सोर ?  
6. मा माइथाइआव बिस्वकाप फुट बल गेलेनाया जागायो ?  
7. भारतनि हादरारि गेलेनाया मा ?  
8. बर'नि गेजेराव गिबि इण्डियान पुलिस सारभिस अफिसारा सोरमोन ?  
9. गिबि इन्जिनियारि पास जानाय बर' आइजोआ सोर ?  
10. बर' सोलोंथाइ बिजोंखौ गोर्बो फरायसालिआव माब्ला थिसन्नाय जादोंमोन ?

**फिन्याय:-**(1) 1947 माइथाइन 14 माइथाइन आगष्टनि हरनि 12 बाजिआव,(2) महनिमहन ब्रह्म, (3) 1948 माइथाइन 7 एप्रिलाव, (4) 1901, (5) ध्यानसाद, (6) 1930 माइथाइआव, (7) काबादि, (8) रनजित सेखर मसाहारी, (9) जुगु राणि ब्रह्म, (10) 1968 माइथाइन 6 जुन।

## सिमांनि रानि

फै नों अनजालु खाथिआव फै, सिमां मोकथां जों आंजों गेले फै; फागुननि आबिर लाना फै; थाखुमा-थाखुमा, आंखौबो फुनना होफै। नुबाय आं नोंखौ ददे फांदा- हाइली खानाय रुमबां, मिनिखैरी गुफुर गावदां, फारनै खावलाय जारां-रां, गारांआ नोंनि मिलौदो स्रां-स्रां, नडा गोसोआ हारां-हाथां। लुबैयो आं रजेनि, फागुन खौरां, सना नों मेहेर हाइनारी आजां-गाजां मा मंजों रायदावनो आं, सिगां-सिगां ? दाजा नों आंखौ लाजिहां-गिहां; अन्थाय बिखा नडा रजे आं। नों जिउनि थार अनजालु- गोर्बो इरिंनि हाइना मुलि; होफै बिखायाव गोजोन खुलि, दाजा नों सना थगायमुलि, नों नडाबा संसारा गोथैसालि, मिजिंआ आंनि फेलें संगालि, थै हाइनानि रजे- सिमां जोंल', आन्दो-आन्दो जोदोंसै; संसार गाथोना नोंखौसो नेना दंसै फागुन देखोआ हनै, लेंहर बायसै; मिथिगायाबो जुलिन इसारासै।

**मिस सन्जिला मोसाहारी गामि - कुलकुमारी कासिबारी हाइ स्कुल थाखो- दाइन (8) जिला-कक्राझार बैसो- जिथाम (13) बोसोर।**

## गोथां आबिर

खाबाय जों सानैनि गेजेराव रादाय थार-गोरोन्थिन उनाव दोन्ना मोखथांआव महर होनो होन्ना। सोर बुडा गावखौ मोजां होन्ना ? थैनायनि उनावबो मानसि जोनोम सोर लुबैया जुवान बैसोआ जोबोद थगायमुला बुहुमआव जोनोम थैनायनि अनजिमा गैया नाथाय गुननि अनजिमा दडे। जानो हागौ सुबुडा बेखायनो मोजां-गात्रि मावपलाडे जाय गोरोन्थिखौ जों हमदांस' हाया; खनथायगिरिफ्रा बुडे- बिबार थस'लाइन दैआ जिउजों समान मानोना सुबुआ अरायनि थाखाय नडा।

**मुस्त्रि दैदेन सिं बि.बि.किसान कलेज जिला:-बागसा**

गोदै रावजों गोथार अनलायनायनि फिथिखाजों रैरुब गोसोनि इसाराजों, गोजोन बुब्लिनि फाखनजों गसायनि बोसोन होनाय जों जारिमिन सुजुनि सानैजों फै अनजालु खाथियाव आंजों। दा बुरखायजा र'जे नों बेरेखा सुबुं हारिजों दा थगायजा नंखाय सिमांजों हेंथा दाजा र'जे नों आंजों दुखु-सुखु जिउनि लोगो नों आंजों हांमा दोनदो सुबुं हारिखौ बरायना होफैदो गिथाव हरखौ आं होफैया र'जे दुखु हांमाखौ बालेब जोमैया नागर लांदों सोमखोर हाजोखौ नाथाय आंदि नेवसि हाया र'जे नोंखौ। हायनारि मिथिगाया गुबुन महर लायो बोथोरा अराय सोलायो रंगिना बिबाराबो हनै लहाय लाडे। नाथाय नोंखौ मोजां मोनाया जुगामि थायो र'जेखौ फैगौ जोनोम आवबो हास्थायो।

**थरायना रिमा ब्रह्म गसाइगाव हिन्जाबसा गोर्बो फरायसालि थाखो:- जि (10) जिला:- कक्राझार**

## जोंनि गामि

सानजानि जारौ साना नुजा बोबाय लोगो लोगो सोरां मिथिगानि अराय। नाथाय आय'....आंनि जोनोम गामि॥ गैया समायना-रमायना महर बिबारनि बारि सोमखोर गोथां हाजो-हाला सारि सारि। गसैबो दंनायमानि गोरान आबाद फाथो, बेसर, सेभिनि अनगा गोदान आबाद। गैया रावबो साखि बाखिनि गिरि बयहाबो फोथारनि आबादारि। गायनो-फुनो गैयाया दंग'-जाम्फे, गैया जेब्लाबो ओंखामनि आखाय-बेदरनि आलि। बेनो जोंनि जोनोम गामि आमिनफारा। खोलो खोलो बार बारनाया मिथिगाजों दावसिन दावज्ला गाबनाय देखोजों। समायआ फागुननि थिं थिं साननि बिदुं, रानसाव बारहावा जेब्लाबो गुदुं बिफां-लायफां, औवा, रायदों रानजोबो॥ गैयाया दासिमबो मोब्लिबनि सोरां लाबोग्राबो गैया गामिखौ अराय सोरां। बेनिफ्राय दुखु थियासिन मा गामि दं बे मिथिगानि बिखायावलाय....?? बेनो जोंनि गामि...आमिनफारा॥

**मुस्त्रि रिनदाव बसुमतारि गामि:- आमिनफारा, पाटगाव थाखो:- एडच.एस. नैथि बोसोर जिला:- कक्राझार ( बड' लेण्ड )**

## सिमांनि जोहोलाव

सोर नों जोहोलाव ? सिमांडवल' गेलेफेयो आंजों आमाइ-जुमाइ। नाथाय मोकथाडव गेलेफेया नों आंजों आमाइ-जुमाइ। सोर सिमांनि जोहोलाव ? राइदावयो आंजों नों दाव खौआंनि गारांजों बिलिरो नों फागुननि बार जानानै। बोदोर बावलि दाखालामसै नों जोहोलाव। मोकथाडव नागिरनो नोंनि अन्नायखौ गोर्बोयाव बजबनो, मोना नाइख्लेंना एराइ लांयोसो। आंनि बे हाबिलास मिजिंखौ दाजंखाय नों दावखौआंनि गारांजों। बिदाइ होदो आंखौ सिमांडवनो ऐं जोहोलाव। **मिस बिबारी बर' गामि:- बालाथडा**

माया गोनां बे बुहुमाव जोनोम मोनफैबाय आं मानषि महरै। फुंबिलि बायदि लाइमोन बैसोआव ओंखार जेन्नाय सान गोलै बायदि अनजिमा गैयै सानबोलावरिजों उसिफावो लाइमोन बैसोआ। जीउनि बैथा गैयै दिडयाव गाखोहां जानायावनो लोगो मोनजेनदोंमोन नोंखौ आं स'ना। नोंखौ लानानै सिमां सुजुदोंमोन बेसेबांवा रंगिना सिमां नाथाइ..... नोंदि आंखौ गारनानै थाखोमायो सम-सम आन्दो आन्दो जेसेबांखि नों आन्दो आन्दो थादोंमोन, आं नोंखौ नुगासिनो दंमोन। आंबो नोंनि आन्दोआव थानानै सुजुदोंमोन दुखुनि खन्थाय। ईशोरा सोरजि हरदों आंनो मोनसेल' जीउ नडाब्ला लोगो मोन्दोंमोन गोबां जीउनि लोगो, नैबे जोनोमाव जुलिया नडा गुबुनजों, मानोना नोंखौ लानानै समाय लाबाय ईशोरनि खाथिआव। जायनि थाखाय राहा गैला नोंखौ बावगारनो जेसेबांखि बारहुंखा-सारअन्थाइजों हेंथा होआ-----

आवगाय लांगोन जुलिन गोथार फोरबोंआव। नोंनि आंनि जुलिआव बारहुंखा-सारअन्थाइजों आंनि जीउखौ फोजोब लांथों थेवब्लाबो..... नोंनि अनगा जुलिया नडा गुबुनजों।

**मुस्त्रि लक्षीकान्त दैमारी गामि:-हाथिधुरा ला:सो:-खुंघ्रि जिला:- चिरां, बि.टि.सि ( आसाम ) बैसो:- नैजि ( 20 ) बोसोर।**

## दावहा

देहा फाहामसालियाव नुयो- गोबां नोरजिया; रंजाथिलियाव नुयो- गोबा रंजासुलु; मन्दिर मसजिदआव नुयो- गोबां धोरमसुला; गेलेथिलियाव नुयो- गोबां गेलेसुला; दावहाथिलियाव नुयो- गोबां दावहार; बिन जाउनाव नुयो- गोबां..... बेनि जाहोना... नारानाथानि गेदेर-उन्दै सानानै, नडाब्ला..... इनाइ अनागिरिखौ दबथायनायनि; गावनि राइजोखौ फेहेरनायनि, नडाब्लाबो मुलुगाव गावखौ सिनायथि होनायनि आरो मुलुगाव गावनि मुं जुगामि गालानायनि॥ नाथाय....आंनि दावहाया जागोन- थार-बुजिनाय, हेफाजाब आरो खौसेथि लाबोनाय गोग्गोम-गेरेमसा ' बर 'लेण्ड' राइजो दानायनि ॥।

**मुस्त्रि सुभाष बर' गामि- कलबारी ला:सो:- बरमा जिला- बागसा, बि टि सि**

# 5 थि रुंसारि माइन' कुमार बसुमतारि गोसोखां जोलुर बादायलायनाया 30 अक्टबरनिफ्राय जागायबाय

काजलगाव, 31 अक्टबर: समाज आरु दुलाराय बर' फरायसा आफादनि सासे मावथि रुंसारि माइन' कुमार बसुमतारिखौ गसोखांथिनानै माइन' कुमार बसुमतारि ट्रस्ट, खुंघिं दालायसा ऐबसु आरु खुंघिं सिखोना स्पोर्ट क्लाबनि बान्जायनाया 5 थि जोलुर बादायलायनायखौ चिरां जिल्लानि खुंघिं गोजौ फरायसालिनि गेलेग्रा फोथाराव थांनाय 30 अक्टबरखालि जागायजेने।

चिरां जिल्ला दुलाराय बर' फरायसा आफादनि गाहाय नेहाथारि दिलिप कुमार बसुमतारिआ बादायलायनायखौ बेखेवनाय हाबाफारियाव बि टि सि नि मावफुं सोद्रीमा प्रमद बर' नि अ एस डि ७ सांग्रां ब्रह्म आरु ७ फुकन बसुमतारि, 10 थि दुवार दुलाराय बर' फरायसा आफादनि आफादगिरि मृतुञ्जय बसुमतारि, 14 चिरां दुवार ब्क इड पि पि एल नि आफादगिरि



बिरदाउ मोसाहारि आरु रुंसारि माइन' कुमार बसुमतारिनि अन्जालि बिसि रिता बसुमतारिजौ लोगोसेने ओन्सोलनि मेलेमजिवि सुबुंमेगबो बाहागो लादोमोन गिबि बादायलायनायखौ लाइमुति एफ सि आरु इउनयटेड चिरां दुवार एफ सिनि गेजेराव गेलेनाय

जादोमोन। बादायलायनायखौ बेखेवनाय चिरां जिल्ला दुलाराय बर' फरायसा आफादनि गाहाय नेहाथारि दिलिप कुमार बसुमतारिआ बुडोदि, बोथोर आरु समजौ गोरोबनानै गुबुन-गुबुन क्लाब आरु आफादफोरा गुबुन-गुबुन मुडाव जोलुर

बादायलायनाय बानजायनायनि गेजेरजौ दुलाराय बर' फरायसा आफाद मिजिथिदोदि, बर' हारि दानाय एबा हारि सिनायथिजौ लोगोसे गोसो गुदु गेलेगिरिफोरखौ गेलेनायनि गेजेरजौ समाज आरु गाव-गावनि जिउखौ दैदेनायनि मोनसे

खाबु होने नाजादों। गुबुन फार्सेथिं खुंघिं दालायसा एबसुजौ लोगोसे ट्रस्टनि नेहाथारि बिजेन बसुमतारिआ फोरमायोदि, खुंघिं दालायसा एबसु, माइन' कुमार बसुमतारि ट्रस्ट, खुंघिं सिखोना स्पोर्ट क्लाबआ खुथायै

बान्जायनाय माइन' कुमार बसुमतारि गोसोखां 5 थि जोलुर बादायलायनायखौ ओन्सोलनि लाइमोनफोरखौ जोलुर गेलेनायाव जागां होनायनि थांखि लानाय जादों। बिथाइ फोरमायोदि माइन' कुमार बसुमतारिआ खुंघिं दालाइसा एबसुनि आफादगिरि, 10 थि दुवार एबसुनि हारिमु नेहाथारि, गेलेमु नेहाथारि, ओन्सोलनि सिजौ क्लाबनि सामब्लायगिरि आरु खुंघिं सिखोना स्पोर्ट क्लाबनि आफादगिरिनि बिबान रुनुदोमोन।

बे बादायलायनायनि जोबथा एबा फाइनाल बादायलायनायखौ फेगौ 4 नभेम्बरखालि खुंघुंनाय जागोन आरु बे बादायलायनायाव देरहासाथ जानो हानाय हान्जानो

नोगोद 15,000 रंजों गंसे टूफी लोगोसे गंसे टूफीखौ होनाय होनाय जागोन आरु रानार्स आप जागोन होनायै खुंघुं आफादआ हान्जानो नोगोद 10,000 रंजों मिथिहोयो।

## बासुगावआव माहारियारि आयुर्बेड-धनवान्तरि साननि थाखाय खाफा-फारा

बासुगाव, 31 अक्टबर: बासुगावआव फेगौ 2 नभेम्बरआव सानसेनि हाबाफारिजौ माहारियारि आयुर्बेड आरु धनान्तरि सान खुंघुंनो साखा-फारा खालामनाय जादों। माहारियारि आयुर्बेड आरु धनवान्तरि सानजौ लोगोसे लोब्बा लाखिनानै बै सानखालि श्वच्छता बिथांखि, धनवान्तरिनि सावगारियाव बिबार बाउजेनाय आरु आलारि बाथि फोजौनाय, बेसेन लायाजासे देहानि आन्जाद बादा आरु सांग्रांथियारि मेल खुंघुंनाय जायो। गुबुन फार्सेथिं बे फोर्बो फालिनायनि थाखाय आल'क बसुमतारिखौ आफादगिरि, कर्नाद बिशर रायखौ नेहाथारि महैरै लानानै मोनसे बान्जाय आउद दानाय जायो। बे हाबाफारियाव चिरां जिल्ला बेंगिरि, जिल्ला सावस्त्रि बिबानगिरि, नडेल बिबानगिरि आरु गागि सुबुं आलासिफोराबो बाहागो लादोमोन।

(1 बिलाइनिफ्राय)

## कचिन गाथोन न्यास, कचिन शिपयार्ड लिमिटेड आरु गाथोननि बाहागोगिरिफोरजौ ...

हान्था-मेला, गोदान मुगानि खाबुफोरखौ मोनहोनाय, लैथो जिं ओन्सोलफोरखौ जागाखांहोनाय, कार्ग'हान्था-मेला बायदि गुबुन गुबुन बिथिंफोरखौ लानानै जथुमआव गुवारै लावरायलायनाय जायो। जेराव नांगो बादि बिथांखिफोरनि खामानि-दामानिफोरखौ मावफुंनानै गाथोननि खामानि गोहोखौ बांहोनायजौ लोगोसे बेनि गासैबो जागानायनि बिथिइव सांग्रांथिजौ थांखि लानो बिबानगिरिफोरखौ मिरु मन्थ्रिआ बिथोन होयो। लौहपुरुष सरदार बल्लभभाइ पाटेलनि जोनोम सानखौ लोब्बा लानानै दुलाराय हादरनाइ खुंघुंजानाय माहारियारि खौसेथि साननि बुब्लियाव मिरु मन्थ्रिआ दिने कचिआव लौहपुरुषखौ मान बाउयो। हादरनि खौसेथि, थामो-थाखौ थि लाखिनानै लोगोसे हादर सोरजिनानयनि बिथिइव सरदार बल्लभभाइ पाटेलनि मख'जाथव बिहोमानि बाश्राखौ मिरु मन्थ्रिआ मान बाउनायजौ गोसोखाडो। बेनि अनगायैबो सर्बानन्द सनवालआ दिने कचिआव कचिन शिपयार्ड लिमिटेडनि आफादगिरि आरु सामलायगिरि म्दु एस नाथर आरु गोजौ थाखोनि बिबानगिरिफोरखौ मोनसे जथुमआव सावरायलायो आरु कचिन शिपयार्डनि गुबुन गुबुन खामानि-दामानिनि सायाव मिथिनानै लायो। कचिन गाथोन न्यासआ खुंघुंनाय बादायलायनायफोरनि देरहागिरिफोरखौ मिरु मन्थ्रिआ बान्था रनानै गोसो सिनिफ्राय बरायो। लोगोसे कचिन गाथोन न्यास नख'रनि मुंदांखा सोरजिनानय गेलेगिरि आरु कभिड-19 दावहा नांग्राफोरखौबो बियो बरायदों। मिरु मन्थ्रि सर्बानन्द सनवालआ लोगोसेने दिने कचिन गाथोन न्यासनि बाहागोगिरिफोरखौबो सावरायलायदों। भारतनि गाथोनफोरनि जागाखांनायफोरखौ गोखे खालामनानै कचिन गाथोनखौ मोनसे गोदान मुगानि आरु मुलुगनां थाखोनि गाथोन महैरै सोरजिनानयनि बिथिइव खौसेथे खामानि मावने थाखाय बाहागोगिरिफोरखौ बियो खावलायो।

## लडा दैसानि गाथोनाव बर'नि दोरोडारि गेलेमु आमोल-दिमोल बादायलायनाय खुदों

लाफेदोमोन। बेनिनो जोबथा एबा फाइनाल बादायलायनाया सत' आदाबारि आरु सालाकाटि हान्जानि गेजेराव जायो। फाइनाल बादायलायनायाव सत' आदाबारि हान्जाना सालाकाटि हान्जाखौ फेजेनानै देरहासार बान्थाखौ आवगिनो हायो। एरहाय रामफलबिल लडा एरिगेसन ओन्सोलनि क्लाबआ बे बादायलायनायाव थामथि सारिआव थानो हायो। बे बादायलायनायखौ बिटिआरनि गेलेमु आरु हारिमु बिफाननि मावफुं सोद्रीमा दावबाइसा बर'आ बाहागो लानानै बेखेवनायै होदों आरु बान्था रानाय हाबाफारिआव बिटिसिनि बारा' एमसिएलए जतिरिन्द्र ब्रह्मआ गाहाय आलासि महैरै नुजाथिनानै देरहासार जानो हानाय हान्जाफोरनो बान्थाखौ गथायनानै होयो। बे बादायलायनायाव सेम्पियन जानो हानाय थामहिनबा सेथि सारिआव थानो हानाय सत' आदाबारि हान्जानो गंसे टूफीजौ लोगोसे नोगोद 20,000 रं आरु रानार्सआप हान्जानो गंसे टूफीजौ लोगोसे नोगोद 15,000 रं बान्था महैरै होनाय जायो। दिनेनि बे बादायलायनाय हाबाफारिआव रामफलबिल ओन्सोलनि गोबांथारि राइजो-राजाफोरा बादायलायनायखौ नायनो थाखाय बाहागो लाहेनानै समायना-समायनायै जाफुंसार होदों। मख'नाय जायोदि, बिगानि गायसनगिरि चानक्य ब्रह्मआ थांनाय 2012 माइथायनि 31 अक्टबरआव मोनसे माहारियारि गेलेमु हाबाफारिआव बाहागो लानो थांनाय समाव चीन हादरनि बेइजिंआव रुंसारि जादोंमोन। बिथाइ बर' रावनि सासे लिंरगिरि आरु सोलोथायगिरिबोमोन। बिथानि गोसोखांथियाव दिने थैनाय सान फालिनायनि लोब्बायैनो बर'नि दोरोडारि दैनि गेलेमु आमोल-दिमोल बादायलायनायखौ खुंनाय जादों।

## ब्रैथि दख'रा एबसुआ नबदया बिद्यालयआव मुं थिसन्नायनि सायाव सांग्रांथि मेल खुदों

दिथागिरिफोरखौ लानानै मोनसे सांग्रांथियारि मेल खुदों। बे सांग्रांथि मेलनि गेजेरजौ नभ इयुथ वेलफेयार फेमिली आरु ब्रैथि दख'रा एबसुनि दैदेनगिरिफोरा नबदया बिद्यालयआव माबोरै मुं थिसन्नो हायो आरु बेनि थाखाय माबादि साखा-फारा जानांगो आरु बेफोरनि फारिखान्थिफोरा मा मा बेफोरखौ मेलआव बाहागो लानाय फरायसा आरु दिथागिरिफोरनि गेजेराव गुवारै फोरमायनानै होयो। लोगोसे बे मेलनि समावने माखासे फरायसाफोरा नबदया बिद्यालयआव मुं थिसन्नायनि थाखाय मुं थिसन्थाय आन्जादनि आर'ज बिलाइखौबो सुफुडो। गामि ओन्सोलनि गोस्त्रि थाखोनि फरायसा गथ'फोरखौ बेसेन लायाजासे नबदय बिद्यालयआव मुं थिसन्नो हानायबादि गियान होनाय आरु गोगो समाज दाफुंनानयनि गुबे थांखिजौ बे सांग्रांथि मेलखौ खुंनाय जादों। दिनेनि बे मेलआव ब्रैथि दख'रा एबसुनि आफादगिरि मन्जत दैमारि, एनवाइडब्लिउएफनि लेडाइ आफादगिरि अर्जुन नाज्जिरि, एनवाइडब्लिउएफनि मावफुं आफादगिरि अशक कुमार ब्रह्म, देखे फोरगिरि फुंखा महिलारि आरु जायगानि गोबां दिथागिरि आरु फरायसाफोरा बाहागो लादोमोन।

## मैदेरनि उतखार : राइजो-राजाफोरनि दाबिआव हाग्रा बिफानआ गंने ....

दाबिखौ लानानै बाकसा जिल्ला हाग्रा बिफानआ गंने जेसिबि लानानै राइजोफोरनि हेफाजाबआव हाग्रानि मैदेर फालोखौ होखारहरनो हादों। मख'नो गोनांदि, सानफ्रोमबो फालो-फालो हाग्रानि मैदेरआ आदार नागिरनानै हाग्रा ओन्सोलनिफ्राय ऑखारबोना सुबुं थानाय ओन्सोलाव हाबनानै उतखार खालामबोदोमोन। थांनाय माखासे साननाइ मुसलपुर महुकुमनि सिडाव थानाय बरिकादनि सान्जा फार्सेथिनिफ्राय बोहेलानाय फाग्लादिया दैसानि बाला सरआव हाग्रानि मैदेरनि मोनसे गेदेर फालोआ थाफेदोमोन। जेराव गोबां खस्थ' खालामनानै माय आबाद खालामनायखौ मैदेरफोरा फोजोबसालानायखौ ओन्सोलनि आबादारिफोरा जिंजा सिनाय फोरमायदों।

(1 बिलाइनिफ्राय)

## जन सम्बाद उत्सव हाबाफारिआव बाहागो लानानै 1971 दावहानि सान्थिफोरनो मान...

फालिथायाव बाहागो लानो मोनानै जोबोद गोजोन्नाय मोन्दों। हादर उदांसिनि थाखाय गावखौ बाउसोमनानै रैखाथिनि सिबिथाय होबोनाय आरु बेसेन गोसा सिबिथाय होबोनाय गेदेमा दावहारुफोरखौ बाखानायनानै राइज्यो बेंगिरिआ बुंभावोदि, हादर रैखाथिनि थाखाय दावहारु सान्थिफोरा भारतनि देरगाथाव आरु गोगाथाव। बिथामोननि सिबिथाय आरु बिहोमा होनायखौ हादरआ माब्लाबाबो बावगारनाय नड। बे समाव गाहाय मन्थ्रि नरेन्द्र मदिआ आत्म निर्भर भारतखौ गायसन्नानै हादरखौ गोखौसिन खालामनायनि थाखाय बयखौबो बाहागो लानो खावलायदों। बेनिखायनो जौनि मोनफ्रोमबो थाखोनि हारि-हारिसाफोरनि सुबुंफोरा खौसेथि समाज आरु गोहो गोरा हादर दाफुंनानयनि थाखाय आवगायबोनांगोन होनानै राइज्यो बेंगिरिआ बुंभावोदि, दिनेनि सानआव जौनि भारत हादरआ मुलुगानि गेजेरावने गोबांथार बिथिइव उनसंफाजाग्रा दरसे हादर जागोन। जौनि भारत सरकारआ हादरनि रांखान्थि जागानाय आरु सुबुंफोरनि गासै बिथिइव जागथायनि थाखाय खामानि मावगासिनो होनानै फोरमायबावो। राइज्यो बेंगिरिआ दिने बे हाबाफारिनि गेजेरजौ आइरन मेन अफ इन्डिया बिमुं मोन्या सरदार बल्लभभाइ पाटेलनि जोनोम सानआव बिथानो मान बाउदों। लोगोसे 1971 माइथायनि दावहानि समाव हादर रैखाथिनि थाखाय गावखौ बाउसोमनाय रैखाथि सान्थिफोरनोबो मान बाउदों। मख'नाय जायोदि, 1971 नि भारत पाकिस्तान दावहानि समाव मैखोमै बिफाव लानाय सान्थिफोरा माखासे हादरयारि बान्था मोनो हाखांबाय। दिनेनि बे हाबाफारिआव राइज्यो बेंगिरिजौ लोगोसे सैनिक वेलफेयारनि बिथोनगिरि लेफ्टेनेन्ट जेनेरेल पिके भराली, ब्रिगेड जशि, ब्रिगेड रन्जित बरठकुकर आरु गोबांथार मुंख्तं सान्थिफोरनि नख'रनि सोद्रीमाफोराबो बाहागो लादोमोन।

## बिजनी परस्तावारियाव थुलुंगानि थान्दै महस्वर मुसाहारीनि मुंख्तं सान फालिदों

दैमारि, बिजनी नोगोर कमिटिनि मासिगिरि गुनेस्वर गयारी, लोगोसे ओन्सोलनि फोरेंगिरि, सानसुमै, फरायसा आरु गोबां राइजो-राजाफोरा बाहागो लायो। दखरा एबसुनि आफादगिरि एवसां बसुमतारीया खौरांगिरिफोरनि सिगाइव फोरमायनाय बादिब्ला, थुलुंगानि थान्दै महस्वर मुसाहारि बिथाइ थांनाय थानाय समाव हारिखौ गोजौ फार्से दैदेन लांनायनि थांखि आरु नोजोरखौ सिगाइव लाखिनानै राव-बिजौनि सोमावसारनाय, आलादा राइज्योनि सोमावसारनायखौ दैदेनबोदोंमोन। नाथाय समनि सानसिजौ बिदा-फंबाय, गावजौ-गाव गोरोबलानाय गैयैनि जाउनाव बिथाइ अबथिरायै जिउ खोमानो गोनां जादोंमोन। बिथाइ दासिम थांनाय थायोमोनब्ला हारिनि जेना-जेंगोनाफोरखौबो बोस्रानायनि खामानि मावगौमोन होनानै बिथाइ फोरमायो।

## राइज्योआव करनानि सन्देरनाया गिखंथाव महर लाफिन्दों

हमदांनो हायो। राइज्योयाव दिने कभिदिनि सन्देरनायनि हारा 1.41 जौखोन्दोमोन जाय थांनाय शनिबार खालिनि रुजुथायाव नै गुन बांसनि। थांनाय शनिबारखालि राइज्योयाव करनानि सन्देरनायनि हारा 0.71 जौखोन्दोमोन।

मख'नो गोनांदि राइज्योयाव सोलौंथाइ फसंथानफोरखौ बेखेवफिन्यानयनि उनाव सोलौंथाइ फसंथानफोराव कभिड सन्देरनायकौ हमदांनो हादों। राइज्यो सरकार जाय समाव कभिडखौ लानानै सांग्रांथि लांनांगोमोन बे समावने फुजा आरु बिथायख'थि सिगांसिन गोनांथि होनाय खोथाया इयुनाव राइज्योनि कभिड सन्देरनाय थासारिखौ बबे बिथिंजौ लाडे बेयो नोजोर होथावना जागोन।

## काजलगावआव लामानि जाब्रबथायजौ सासे आबादारिनि जिउ गोमादों

फिसान्ला जलधर सरक (63) मुंनि सुबुडा गावनि न'निफ्राय साइकेलजौ मंलागाव स'कसिम काजलगान-डंटल लामाजौ थांबाय थानाय समावने गावनि न'नि लांगोना मोखाइवनोकाजलगान-दांतला फार्से थांबाय थानाय ए एस 19 किउ 3587 नम्बरनि गंसे स्कुटिआ सौनायनि जाउनाव जोब्राबे जोखोम जायो। उनाव ओन्सोलनि सुबुंफोरा खर', बिखा आरु आखायाव गोब्राबे जोखोम मोन्याय जलधरखौ काजलदगावआव थानाय जे एस बि देहा फाहामसालियाव थिसनहैयोब्लाबो देहा फाहामगिरिआ गोजौ थाखोनि फाहामथायनि थाखाय लवार आसाम देहा फाहामसालियाव दैथायहरोब्लाबो अदेबानि देहा फाहामगिरिया जलधरखौ जिउ गोमाबाय होनानै फोरमायो। थांनाय शनिबारखालिकाजलगानआव थानाय लवार आसाम देहा फाहामसालियाव दोन्याय जलधरनि गोथै सहखौ दिने आन्जाद खालामखानायनि उनाव नख'रनो गथायनानै होयो। मख'नो गोनांदि थांनाय 3 बोसोयव काजलदगावआव लामानि जाब्रबथायाव सन्जय दत्त, महन सिकदार, दुलालि सरकार, रुंसारि खगेन चक्रबर्दिनि बिसिकौ लाफानानै गोबां सुबुंफोरनो बेंगुरा जानांगो जादों। बे लामानि फार्सेनो रुगुडाव फरायसालि थांनायखौ नोजोर होनानै जायगा-जायगा स्पिड ब्रेकर होनांगीनि दाबि दैखादों ओन्सोलनि राइजो राजाफोरा।

(1 बिलाइनिफ्राय)

## दरंनि बेसिमारिआव गिखंथाव जाब्रथायजौ सा 5 थैदों

गुवाहाटी फार्से फैबाय थानाय एएस-07 जि-6794 नम्बरनि सुइफ्ट डिजायार गारिजौ मोगा-मोगि सौग्रावलायनाय जाब्रथाय जादों। जिउ गोमानाय सुबुंफोर फरिदुल इस्लाम, आजाद आली, इब्राहिम आलीमोननि न'आ दरंनि श्यामपुरआव। लोगोसेनो जिउ गोमानाय मन्नुबारा बेगम आरु सानिया आक्तरमोननि न'आ दलगावनि दैपामआव होनानै मिथिदों। बेराफार्से जोखोम जानाय रफिकुल इस्लाम, आब्बास आली आरु आब्दुल आवालमोननि न'आ दरंनि आरिमारि स्यामापुरनि होनानै मिथिनो मोन्याय जादों। जोखोम जानायफोरखौ मंगलदै सिभिल देहा फाहामसालिआव दैथायहनाय जादों। मख'नो गोनांदि, हादरआव जाब्रथाय जानायजौ जिउ गोमानाय जौखोन्दोआ बोसोरफ्रोमबो बांगासिनो दड। जेराव हादरआव 2020 माइथायाव जाब्रथाय जानानै सा 3,74,397 सुबुंफोरा जिउ गोमादों होनानै सुलुडव मिथिनो मोन्याय जादों।

## स्ट्रं रुमआव गसाइगाव बियाबनि सा 8 बिजाथिफोरनि ..

गुबुन फार्सेथिं फेगौ 2 नभेम्बरआव भट सान्नाय हाबाफारिनि थाखाय गोनांथि जानाय बायदियै साखा-फारा खालामदों गसाइगाव महकुमा खुंथाया। बेरा फार्सेथिं मोनथाम ख'थाखौ भट सान्नायनि थाखाय आरु मोनसे पर्टेल बेलट सान्नायनि थाखाय गायसन्नाय जादों। मोनफ्रोमबो ख'थायाव गं 7 थै थैबिल गायसन्नानै भट सान्नायनि थाखाय राहा खालामदों गसाइगाव महकुमा बिसायख'थि बिबानगिरिआ। गासै सा 1,90,640 भटारफोरा सा 8 बिजाथिफोरनो भट होनाय इ थि एम फोरा स्ट्रं रुमआव हमथाजादों आरु बेनि थाखाय महकुमा खुंथायानि दैदेननायाव भट सान्नायनि थाखाय आथिखालाव गोनांथि बायदियै लाहार-फाहार खालामनायखौ आवुं खालामदों।

## जालुकवारिनि सरकारि आयुर्बेदिक फरायसालिमायाव ...

खुंघुंजानो गोनां बे हाबाफारिआव गाहाय आलासि महैरै नुजाथिफेगोन राइज्योनि देहा मन्थ्रि केशव महन्तआ। 2021 माइथायनि आयुर्बेद साननि थिमआ जाबाय-फेसन फर आयुर्बेदा। मख'नो गोनांदि, जालुकवारिआव थानाय सरकारि आयुर्बेद फरायसालिमाया 1948 माइथायाव गायसनजागोदोंमोन। बे आयुर्बेद फरायसालिमायाव आथिखाल समाव अपिडि आरु आइपिडि मोननैबो सिबिथाया दड।

## गिथावना महरै बेसेन बांदों

सिगांगोन बे बिथिइव राहा गैयै जादों। जानाय थावनि बेसेन बांनाया दिवलीआव माबोरै आलारि बाथि फोजौनानै सोरनि फोर्बोखौ फालिगोन बेखौ लानानै जिगासिदों निखावरि, गाहाय-गेजेर थाखोनि राइजो-राजाफोरा। आथिखालनि समाव माहाजोनफोर, सरकारि साब्रिआवलानि अनगायै गुबुन राइजो-राजाफोरा खामानि-दामानि मोना एबा जेंनायाव गोर्गेलानदों। बेनि गेजेरावने कभिडनि सेन्देरनायाबो राइजो-राजाखौ जेंनायाव खोख्लेदों। अदेबानि निखावरि- गोर्गेलौसोनाय नख'रफोरनि थाखाय फैबाय थानाय सानफोराव बेसेन बांनाया गिखंथाव महर लाबोदों।

## पाटकेजुलि आरु सुकानजुलिआव माहारियारि खौसेथि सान ...

नोजोर हादरनि खौसेथि, थामोन्था आरु रैखाथिनि फार्से बिथानि बाउसोमनायनि बाश्राखौ गोसोखाडो। दिनेनि बे हाबाफारिआव बेटेलियननि लेडाइ केपेन सन्दिप पुनिया, लोगो कमान्डेन्ट प्रेम कुमार मोनहाबो नुजाथिफेदोमोन।

# जुलिनि उनाव विककी कौशल-केटरीना केफआ गोदान न'आव शिप्ट जानो हागौ

केटरीना केफ आरो विककी कौशलनि गावारि जिउखौ लानानै आधिखालाव माखासे खौरांफोरा सोराडाव फैदों। मिडिया रिपर्टआव बुनाय जादोंदि, सानैबो 7-9 डिसेम्बरनि गेजेराव जुलि जासिगोन। आधिखालाव बिसोर सानैखौ लानानै आरोबाव मोनसे खौराड सोराडाव फैदों, जेराव बुनाय जादोंदि, जुलिनि उनाव केटरीना आरो विककीआ गोदान न'आव सिप्ट जासिगोन। रिपर्टनि बायदिब्ला केटरीना आरो विककीआ नै दान सिगां जुहु



ओन्सोलआव गंसे एपार्टमेंटखौ नायनो थांदोंमोन जायखौ बिसोरो गोबां मोजां मोन्दों। गोबां खेब न'नायनायनि उनाव बिसोर

न'नि रादाय खानायखौ फाइनाल खालामबाय आरो आधिखालाव जुलिनि उनाव बिसोर सानैआ बे न'आवथो थानो थांखि लादों।

जर'खा बाश्राया बेदि केटरीना आरो विककीआ जाय एपार्टमेंटखौ मोजां मोन्दों, बेयौ बै बिल्डिंआवनो दड जेराव अनुष्का शर्मा आरो विराट कहलीआबो थायो। बेबायदिनो विककी -केटरीनानि जुलिनि बाश्राया नंगुबै जायोब्ला जुलिनि उनाव बिसोर सानैआ बेवहायनो शिप्ट जानो हागौ आरो अनुष्का-भिराटआ बिसोरनि न'सुसेनि सुबुंफोर जागोन। केटरीना केफ आरो विककी कौशलनि जुलिनि खौरांखौ टाइम्स अफ इन्डियाआ होदोंमोन। रिपर्टआव लिस्नाय

जादोंमोन विककी आरो केटरीनाया जुलिनि थियारिफोरखौ जागायबाय। बिसोर सानैनि जुलिनि ड्रेसखौ डिजाइन खालामदों। बिसोर सानैआ बे समाव ड्रेसनि फेब्रिकखौ सायख'दों। मखनो गोनांदि, बेनि सिगांबो थांनाय दानआव खौरांफोरा फैदोंमोनदि, बिसोर सानैआ मोनसे प्राइभेट सेंसेमनीआ आस्थाम सोलायबाय। खौरांआ सोराडाव फेनायनि उनाव फावखुंग्रिया अफिसियेल स्टेटमेंटखौ फोसावनानै बे खौरांफोरखौ खौरांदिमोन।

## राखि सावन्तआ प्रेम चप्रानि फ्रेक्सार जानाय आखायाव किस खालामदों



वलिउडनि ड्रामा कुइन् राखि सावन्तनि मोनसे भिडिअआ सशेल मिडियाआव गोबां भाइरेल जादों। बे भिडिअआव राखिआ मुंदांखा फावखुंगुर प्रेम चप्रानि जोखोम जानाय आखायाव बे भिडिअआ दुबाइनि, जेराव बियो सावथुन इभेन्ट फिल्मफेयार अचिवर नाइटआव बाहागो लानो सौहेंदों। भिडिअआव राखिनि अनगार्यै मुंदांखा एक्टर रंजीतखौबो गावनि लोगोनो रेखा खालामनाय नुनो मोन्दों। बे भिडिअखौ भीरल भयानीआ गावनि इन्सटाग्रामआव शेयार खालामदों। बे भिडिअनि केप्सनआव लिस्नानै बेखौ दाबि देखांनय जादोंदि, 2 सान सिगां लान्चटाइमनि समाव लिजेन्ड फावखुंगुर प्रेम चप्रया गाहायाव गोग्लैयो आरो बियो जेनायाव गोग्लैयो। बेनिखायनो राखि सावन्त आरो फावखुंगुर रंजीतआ बिनो रेखा खालामनानै बियो

## बिग बस 15 नि जौसाडाव सलमान खान आरो केटरीना केफनि रमान्टिकखौ नुनो मोन्दों



सलमान खाननि बिग बस 15 विकेन्टनि वार एपिसडआव केटरीना केफ आरो रहित शेट्टिखौ जर'खा सानिफ्राय केटरीना आरो विककी कौशलनि रिलेसनसिफ आरो जुलिनि कौराडाव साग्लोबसारनानै थादोंमोन, नाथाय आधिखालाव सलमान

बेनि अनगार्यै केटरीनाया सलमानखौ गावनि थाखाय देखो रोजाबनो बुंदों। माखासे सेकेन्ड सानखानायनि उनाव बियो फावखुंग्रिनि थाखाय बलिउडनि मस्ट रमान्टिक देखो चान्द मेरा दिल 'खौ रोजाबो। बे बाश्रा सावयनयाव सलमान खाननि रिहर्सल डान्स रुटीनखौ फालिनायाव बिनि लोरबां जानायनि सोमोन्दै जेब्ला केटरीनाया अजद होयो अब्ला सलमानआबो बेनि सोमोन्दै जेबो सुबुरन होनायनि सोलायै बियो बुडोदि, आं बे साजाखौ बुगिनो थियारि जाबाय। बेनि उनाव केटरीनाया बुडोदि, बियो गावनि मेगनआव नायनानै 30 सेकेन्डसिम बाख्नायनांगौ।

# गाहाम देहानि राहा

## समायना महर मोन्नो थाखाय करेलानि फेस पेकखौ बाहायनो हागोन



गोदान दिल्ली, 6 आगस्ट: करेलाया रोखोमसे एरैबायदि थाइंग जायखौ बांसिन सुबुंफोरानो मोजां मोना। नाथाय करेलाया मोखांनि थाखाय एरैबायदि जादु गोनां टनिक, जाय नोंथांखौ माखासे बोसोरसिम लाइमोन खालामनानै लाखिनो हागौ आरो बेयाव करेलानि जुस लॉनायनिबो गोनांथि गैया। अदेबानि जोंखोल आरो लाइमोन स्किन मोन्नो थाखाय करेलाखौ एरैबायदिबै बाहायनो हागोन।

ए आरो बिगुरनि बैसो बारायनाय लोकोनफोरखौ होबथागो गुण थायो। अदेबानि केरेला फेस पेकनि मुलाम्फाफोरनिफ्राय सिथर, हाख'र-हाला, बिगुर हुयचु जानाय, दागो, एक्जिमा, मान्नाय बायदि बिगुरनि इनफेक्सननिफ्राय रैखा मोन्नो हागोन।

मोखां आरो गोदोनायाव फुन्नानै रान्नायनि उनाव सरासनन्ना दैजों सुनांगौ। बेखौ सप्तायाव खेबसे बाहायनो हागोन।

## आदित्य रय कापुरआ मोगथां जिउआव जोबोद मोजां देखो रोजाबनो रंगौ

आदित्य रय कापुरआ सासे औरैबायदि फावखुंगुर जायनि एक्टिंखौ गोबां बाख्नायो। बिनि केरियारनि बयनिखुइबो गोसोखांथाव आरो जाफुंसारनो हानाय सावथुनआ आशिकी-2 आरो बे सावथुननि गोहोमा आधिखालाव गोग्लैसारदों। बेवहाय बिखौ मलनि बायजोआव देखो रोजाबनाय नुनो मोन्दों। बे भिडिय'आ आधिखालाव सशेल मिडियाआव गोखौडै भाइरेल जानाय नुनो मोन्दों। बलिउड फावखुंगुर आदित्य रय कापुरआ गावनि गिबि सावथुन आशिकी 2 आव सासे देखोगिरिनि फाव खालामदोंमोन नाथाय बिनि



फेन्सफोर मोनथिया जानांगौदि, आदित्यआ मोगथांडारि जिउआव गोबां मोजां देखो रोजाबो। आदित्यनि देखो

नायदों। फिल्मफेयारनि इन्सटाग्राम एकाउन्टजों आदित्यनि बे भिडिय'खौ शेयार खालामनाय जादों। आदित्यआ दिल्लीआव माबेबा इभेन्टआव सौहेंदों जेराव गावनि फेन्सफोरनि गेजेराव बियो गिटारखौ लानानै सौहेंयो आरो गावनि देखोजों गोहोम खोखलैनाय नुनो मोन्दों। भिडियआव बिनि फेन्सफोरखौ बिनो उइस खालामनाय नुनो मोन्दों। फेन्सफोर बिनि देखोखौ औरैबायदि मोजां मोन्दोंदि, बेवहाय बिखौ आबुडै एन्जय खालामनाय नुनो मोन्दों। बे भिडिय'खौ नुनानै सुबुंफोर बिनि सावथुन आशिकी 2 नि फाव खालामनाय रहल जयकरखौ

गोसोखांदों। आदित्यनि बे भिडिय'आव बिनि फेन्सफोर गोबां कमेन्ट खालामदों। सासे फेनआ लिस्नानै आदित्यआ माल्टी टेलेन्टेड। फारसेथिं सासे इउजारआ लिस्नानै आशिकी-2 आ थारैनो मुंदांखा जादों। मख'नो गोनांदि, आदित्यआ आधिखालाव गावनि सावथुननि थियारिफोराव नांथाबदों, बे सावथुनआ तामिल हित सावथुन थाडम'नि हिन्दी रिमेक। बे सावथुनआव आदित्यखौ डबल फावआव नुनो मोनगोन बेयो मोनसे श्रिलार सावथुन। वर्धन के तकरआ बे सावथुनजों डायरेक्सनआव गावनि डेब्यु खालामसिगोन।

## मेसि गैयैखौ मोन्दांथि लाबोयाजासे पिएसजिनि टीमा लिलखौ फेजेन्नो हादों



पेरिस, 31 अक्टबर: एन्जेल डि मारियानि जोबथा मिनिटआव गल सोनायजों पिएसजिआ फ्रान्सनि फुटबल लीग-1 आव लिलखौ 2-1 गलाव फेजेन्नो हादों। मेचनि समाव पिएसजिनि स्टार

गोलेगिरि लियन मेसिआ मोदोम बेदर साखानायनि जाउनाव जानगार थानांदों। मेसिसि जायगायाव माउर इकार्डआ टीमनि जानानै गावनि रोंगथिखौ दिन्थिफुंदों। लिलनि जानानै जनाथन डेबिडआ मेचनि



टिभि फावखुंग्रि रुबीना दिलेकआ गावनि हिमाचलनि नखौ बेसेबां मोजां मोनो, बे बाश्राखौ बिनि इन्सटाग्राम एकाउन्टजों मोनथिनो हायो। फावखुंग्रिया सम सम हिमाचलनि न'निफ्राय गावनि सावगारिफोर आरो

खालामबाय थायो। बेनि गेजेरावनो रुबिनाया गावनि माखासे गोदान सावगारिफोर आरो मिडियाखौ शेयार खालामदों, जायखौ नुनायनि उनाव फेन्सफोर बिनि सायाव आरोबाव खनसे अन्नायखौ होदों। मखनो गोनांदि, बे सावगारिफोर आरो मिडियआव रुबिनाखौ गावनि बिमाजों लोगोसे जाग्रा आदार संनाय नुनो मोन्दों। रुबिनाया आधिखालाव गावनि हमटाउन हिमाचलआव दडआरो बेनिफ्राय बियो गावनि माखासे मोजां सावगारिफोरखौ शेयार खालामदों। बे सावगारिफोराव रुबिनानि बिमाखौ जाग्रा आदार बानायनायनाय आरो फावखुंग्रिखौ बिनि खाथियाव जिययनाय नुनो मोन्दों।

## एलअसिआव पेट्रलिं खालामनाय समाव बमा बेरफ्रुदों, साथाम मुंख्लं जादों

जम्मु, 31 अक्टबर: जम्मु-काश्मीरनि राजौरी जिल्लायाव शनिबारखालि एलअसि (लाइन अफ कन्ट्रोल) आव सती सांथि बादानि खाथियाव पेट्रलिं खालामबाय थानाय समाव बम बेरफ्रुदों। बे बमा बेरफ्रुनायाव सासे बिबानगिरिजों लोगोसे सांथि हान्जानि सानै जवानफोरा मुंख्लं जादों। सांथि हान्जानि सासे बिबानगिरिआ फोरमायथिदोंदि, नौसेरा सेक्टरनि कलाल ओन्सोलआव बे बेरफ्रुनाया जादों। जेब्ला सांथिफोरनि मोनसे हान्जाया एलअसिआव पेट्रलिं खालामबाय थादोंमोन। बे समाव सांथिफोरनि आथिआ बे बारुटजों बमा बेरफ्रुहोनो सोरजिनानै दोन्नायाव गाफ्लां हैयो। बेबायदि थासारियाव



बेरफ्रुनायै सासे लेटिनेन्टजों लोगोसे सानै जवानफोरा गोब्राबे जोखोम जायो। बिबोर जोखोम जानायफोरखो गोखेनो साखाथिनि सांथि हान्जानि फाहामसालियाव लाबोनाय जादोंमोन, जेराव बिसोरो रुंसारि जादों। बिबानगिरिफोरा फोरमायथिदोंदि, जाय

जायगायाव बेरफ्रुदोंमोन बेयाव सांथिआ बारुटजों सुरुं खालामदोंमोन, मानोना सिमना बारनायनिफ्राय सोरबा हाबफैनायफोरखो होबथानो हायो। सांथि हान्जानि बिबानगिरिआ फोरमायथिदोंदि, बेरफ्रुनाया बारुट गोनां सुरुंआव गाफ्लांनानै जानाय आरो

जायखौ मिबथिनो मोनाखै। बेनि सोमन्दोयाव आथिखालाव रोखा मिबथिनो मोनाखै। जाथायाव उतरखारिफोरखो आइडिडोनायनि मिजिंखौबो नेवसिनो हाया। सांथिनि बुंथिगिरिया फोरमायदोंदि, बे आयदायाव संदानायखौ जागायदों।

## भारतआ लासै लासै हार्ड इमिउनिटिनि फारसे आवगायलांदों

गोदान दिल्ली, 31 अक्टबर: हादतआव करनानि केसफोरनि थासारिखौ लानानै एम्स कमिउनिटि मेडिसिन डिपार्टमेन्टनि प्रफेसर डाक्टर सन्जय रायआ बुंदोंदि, हादतआ हार्ड इमिउनिटिनि फारसे लासै लासै आवगायलांदों। इनफेक्सननि बांसिन गोसारनायनि जाहोनाव आथिखालआव करनानि केसफोरनि बांसिन बांनाय-खम जानायखौ नुनो मोनाखै। फैनो गोनां समाव करनानि केसफोरनि आरोबाव खम जानायखौबो नुनो मोनो हागौ। डाक्टर जुगल किशरआबो करना केसफोरनि खम जानायखौ सुबुंफोरनि हेदायाव सिगांनिफ्रायनो थानाय करनानि एन्टिबिडिजों सरजाबानां नायो। डाक्टर रायनि बायदिल्ला जाय राइज्योफोरनि माखासे सम



सिगां करनानि केसआ गोबां बांदोंमोन बेवहाय इनफेक्सनआ आथिखालआव खम जादों। लोगोसेनो जेब्ला हादतआव करनानि नैथि दोहोआ दिल्ली, मुम्बाइ बायदि शहरफोरनि साग्लोबसारदोंमोन अब्ला माखासे राइज्योफोरनि केसआ एसेबां सोराडाव फैयाखैमोन।

इनफेक्सननिफ्राय रैखाथि होनो थाखाय सुबुंफोरा गावागावखो सांग्राडै लाखिदोंमोन। नाथाय जेब्ला लासै लासै बै राइज्योफोरनि लकडाउनखौ खुलियो अब्ला सुबुंफोरा सरसन्ता जानायनि फारसे आवगायलाडो। जायजों आरोबाव बै सुबुंफोरनि गेजेराव

इनफेक्सनआ सौहैयो आरो केरेला, सा-सान्जा राइज्योफोराव करनानि केसफोरनि बांनायखौ नुनो मोनो। बियो फोरमायबावदोंदि, दिल्लीनि संदानायाव 90 जौखोन्दोनिफ्राय बांसिन सुबुंफोरनाव एन्टिबिडिजों मोन्नायनि बाथाया सोराडाव फेंदों। जाय सुबुंफोरनि गेजेराव हार्ड इमिउनिटि जानायनि फारसे इसारा होयो आरो सुबुंफोरनि गेजेराव नैथि दोहोआ इनफेक्सननि बांसिन गोसारनाय बेनि जाहोन जादों। इनफेक्सन जानायजों सुबुंफोरनिआव एन्टिबिडिआ जादों। बियो बुंबावदों भेक्सिन थुनाया इनफेक्सननि गोखैथिखौ खम खालामो।

## बाडाइ भेक्सिन लानाय जिल्लाफोरनि बिबानगिरिफोरजों

### बाथा सावरायलायगोन गाहाय मन्थि नरेन्द्र मदिआ

गोदान दिल्ली, 31 अक्टबर: जी-20 गोजौ थाखोनि जथुम्मा आरो सिअपि-26 आव बाहागो लानायनि उनाव भारतसिम फैफिनानै गाहाय मन्थि नरेन्द्र मदिआ फैनौ 3 नभेम्बरखालि कभिड-19 भेक्सिन थुनायनि बाडाइ जानाय जिल्लाफोरनि

जिल्ला बेंगिरिफोरजों संदानाय जथुम खुंगोन। बे जथुमआ 3 नभेम्बरखालि सान्जौफु नि 12:00 रिंगायाव भिडिअ कन्फेन्सनि गेजेरजों जागोन। गाहाय मन्थि मावखुलिन मोनसे बिफानारनि बिबुंसार बादिदै, जथुमआव कभिडनि

सेथि डज लानाय 50 जौखोन्दोनिफ्राय बाडाइ आरो कभिड-19 भेक्सिननि नैथि डजनि बाडाइ भेक्सिन लानाय जिल्लाफोरा बाहागो थागोन। गाहाय मन्थिजों जथुमआव झारखान्ड, मणिपुर, नागालेन्ड, अरुणाचल प्रदेश, महाराष्ट्र,



मेघालयजों लोगोसे गुबुन राइज्योफोरनि बाडाइ भेक्सिन लानाय जिल्लाफोरा थाफागोन। बे जथुमआव गाहाय मन्थि नरेन्द्र मदिआ सा 40 निफ्राय बांसिन

जिल्लाफोरनि बाथा सावरायलायगोन। बे खाबुआव बेफोर राइज्योफोरनि गिबि मन्थिफोरबो थाफागोन।

## हादतआव सा 12,830 करनाजों सन्देरजादों, सा 446 थैदों



गोदान दिल्ली, 31 अक्टबर: भारतआव थानाय 24 घन्टायाव सा 12,830 करनानि गोदान केस मोन्नाय जादों, लोगोसेनो सा 446 सुबुंफोरा थैदों। मिरुआरि देहा बिफानआ फोसावनाय गोदान अन्जिमाफोराव बे फोरमायथिखौ होयो। लोगोसेनो फोरमायदोंदि, बे महामारि भाइयसनिफ्राय थानाय 24 घन्टायाव सा 14,667

बेराम जानायफोरा गाहाम जादों। फोरमायना होयोदि, थानाय सप्ताहसेनि गेजेराव करनानि केसआ दावखोलाय-दावखलायलाय जाबाय थागासिनो दं। फारसेथि आथिखालाव करनानि केसआ आगुनि खेंफोरथि बादिदै बाडाइ जादों। आथिखालासिमआव हादतआव गासै करना सन्देरजानानै थानायफोरनि अन्जिमाया सा 1,95,272

सौहैदों, जेराव 247 सानफोरनि गेजेराव बयनिखुइबो बाडाइ जादों। लोगोसेनो गासै सा 3,36,55,842 करनाजों सन्देरजानाय सुबुंफोरा करनानिफ्राय मोजां जाबाय। बेयावनो भारतआव गासै करनाजों सन्देरजानायनि अन्जिमाया सा 3,42,73,300 सौहैदों। मख'नो गोनांदि, आथिखालआव भारतआव केरेलायाव करना सन्देरनायनि आयदाआ बयनिखुइबो बांसिन जागासिनो दं। थानाय 24 घन्टायाव भारतआव सा 12,830 गोदान केस मोन्नायजों लोगोसेनो सा 446 सुबुंफोरा थैदों। जायनि गेजेराव केरेलायाव सा 7,427 करनानि गोदान केसआ सोराडाव फैनयजों लोगोसे सा 62 सुबुंफोरा करनाजों सन्देरजानानै थैदों।

## एलन मस्कआ 300 आरब डलार सम्पतिजों मुलुगनि सेथि सुबुं जादों

गोदान दिल्ली, 31 अक्टबर: इलिक्ट्रिक कार दिहुनया कम्पनी टेस्लानि सिइअ एलन मस्कआ मुलुगनि सेथि एरेबादि सुबुं जादों, जेराव बिनि सम्पतिआ 300 आरब डलारनिफ्राय बांसिन जादों। ब्लूमबर्ग बिलिनियर्स इन्डेक्स बादिदै शेयारफोरनि गोखैये बांनायनि उनाव कारखानानि मार्केट केपआव 10 आरब डलार बांदों। जायजों मस्कनि सम्पतिआ 302 आरब डलार सौहैयो। गुबुन फारसे, शुरुआकखालि एपलखौ उनाव मुलुगनि बयनिखुइबो बेसेन गोसासिन कम्पनी जानो



हादोंमोन। आथिखालाव हर्टसनफ्राय टेस्लाआ 10 रोजा

कारफोरखौ अडार मोन्दोंमोन। जायनि उनाव बेनि शेयारआ

गोदाने गोजौआव सौहैदोंमोन। एलन मस्कनि सम्पतिआ मुलुगनि नैथि बयनिखुइबो धोन गोनांसिन सुबुं आरो एमेजननि गायसनगिरि जेफ बेजसनफ्राय 10 आरब डलारनि बांसिन जायो। आथिखालाव बेजसन सम्पतिआ 199 आरब डलारनि खाथियाव दं। रोखा फोरमायथिआ बेनोदि, मस्कनि सम्पतिआ मिस्स, पर्टुगाल, सेक गन' राज्य, ग्रीस, कतार आरो पिनलेन्ड बादि हादतफोरनि बोरोरारि जिडिपिनिफ्राय बांसिन। बेल' नडा बेनि सम्पतिआ पे-पाल आरो स्ट्रीम गोजौ थाखोनि नेटफ्लिक्सनि गासै सम्पतिनिफ्रायबो बांसिन। फोरमायना होयोदि, मस्कआ पे-पालनि लोगो गायसनगिरिबो। ब्लूमबर्ग बिलिनियर्स इन्डेक्स बादिदै एमेजननि गायसनगिरि जेफ बेजसआ 195 आरब डलार

नेटवार्कजों मुलुगनि धोन गोनांनि फारिलाइआव नैथि नाम्बाराव थादों। लोगोसेनो फ्रान्सनि फालांगिरि आरो मुलुगनि बयनिखुइबो गेदेर लागजारि गुडस कम्पनी एलभिफिएमएच मडट हनेसिनि शेयारमेन अफ चिफ एजिकिउटिभ बर्नाई आराल्ड (167 आरब डलार) आ बे फारिलइयाव थामथि जायगायाव थादों। माइक्रोसफ्टनि लोगो गायसनगिरि बिल गेट्स (136 आरब डलार) आ ब्रैथि नाम्बाराव थादों। लोगोसेनो आमेरिकानि कम्पिउटर बिगियानगिरि आरो इन्टरनेट कम्पनीनि लैरीपेसआ 131 आरब डलारनि नेटवार्कजों बाथि नाम्बाराव दं। गुगलनि लोगो गायसनगिरि सर्गेइ ब्रिनआ 126 आरब डलारजों 6 थि जायगायाव थादों। आमेरिकानि मिडियारि मिथिसार जानाय आरो फे सबु कनि सिइअ मार्क जुकारबार्कआ 121 आरब डलारजों 7 थि नाम्बाराव थादों। आमेरिकानि फालांगिरि आरो इनभेस्टमेन खालामग्रा स्तिभ बालमटआ 118 आरब डलारजों 8 थि, लैरि एलिसनआ 115 आरब डलारजों 9 थि आरो मिथिसार जानाय इनभेस्टमेन खालामग्रा वारेन्ट बफेआ 105 आरब डलारजों नेटवार्कनि 10 थि फारिलाइयाव थादों। मख'नो गोनांदि, टप फारिलाइयाव थानाय सा 10 नि गेजेराव सा 9 आनो आमेरिकानि।

## आमेरिकायाव कभेक्सिन थुनायनि उनाव थैनाया 12 गुन बाडाय जादों



आमेरिका, 31 अक्टबर: आमेरिकायाव करनानि 10 एप्रिलनिफ्राय 3 सेप्टेम्बरनि गेजेराव जानाय 1.82 लाख थैनायफोरनि सायाव बिथा खालामनानै गोदान सरकारि रिपर्टआ सोराडाव फेंदों। बेनि बायदिल्ला आमेरिकायाव

भेक्सिन थुनायनि उनाव इन्फेक्सन जानायफोरनि थैनायनि बिबाडा गासै 0.W14 जौखोन्दोल जादों एबा 10 रोजा बेरामिफोरनि गेजेराव गासै 14 बेरामिफोरा थैदों। जेराव भेक्सिन थुजायै बेरामिफोरनि थैनायनि बिबाडा

1.65 जौखोन्दो जादों, जाय भेक्सिन थुनाय बेरामिफोरनि रुजुनायाव गासै 12 गुन बांसिन जादों। फारसेथि भेक्सिन थुजायनि उनाव इनफेक्सन जानायफोरनि अन्जिमाखौबो 6 गुन खममोन्नाय जादों। बेबायदिनो देहा फाहामसालियाव थिसनजानाय आरो भेक्सिन थुजायनि बेरामिफोरनि बिबाडाबो सरसन्ता करना बेरामिफोरनिफ्राय 6 गुन खम जानायखौ थिसन्दों। मख'जाथावदि, गथ'फोरनो भेक्सिन थुनायखौ गोबाव समनि उनाव जागायदों। बेनिखायनो बांसिन इनफेक्सनआ जादों।

## बलिउडनि मुंदांखा फावखुंगुर इउसुफ हुसेनआ जिउ गोमाबाय

बलिउड सावथुनफोराव हेफाजाबगिरि महरै फाव खालामग्रा आरो माखासे तिथि स्व'फोरव बिफा, बिबौनि फाव खालामग्रा मुंदांखा फावखुंगुर इउसुफ हुसेनआ शुरुबार्नि हर गेजेराव रुंसारि जाबाय। फावखुंगुरनि रुंसारि जानाय खौरांखौ बिनि बिजामादै डाइरेक्टर हसन मेहेताया मोनसे दुखुनि नटजों लोगोसे होदों। फावखुंगुरनि रुंसारि जानायनि खौराडा सोराडाव फैनय लोगो लोगोनो बलिउड स्टारफोरा गोमोनायखौ फोरमायनानै बिनो दुखु नांथावै बिबार बावदों। फावखुंगुरि पुजा भाट्ट, फावखुंगुर अभिषेक बच्चन, मनज

बाजपेयोआ फावखुंगुरनि रुंसारि जानायव दुखु मोन्नायखौ फोरमायदों। मख'नो गोनांदि, इउसुफ हुसेनआ तिथि आरो सावथुनफोरनि मुंदांखा फावगिरि। बियो माखासे सावथुनफोराव गावनि मोजां एक्टिंखौ दिथिदों। बेवहाय क्रेजि कुक्कड़ फेमिली, रड टु सनम, बिबाह, धुम 2, रेट स्वास्तिक, एक्सेप फ्रम तालिबान, कुछ ना कहो बायदि सावथुनफोराव दंफादोरो। फारसेथि तिथिआवबो बिखो सिआइडि, कुमकुम, हर घर कुछ केहेता हे बायदि सिरियालआव नुनो मोन्दों। तिथि स्वआव बियो बांसिन बिफानि फाव खालामदों इउसुफ हुसेनखौ जोबथा खेब

बेब सिरिज हस्टेलआव डाक्टर आलीनि फावआव नुनो मोन्दोंमोन। फावखुंगुर अभिषेक बच्चनआ इउसुफ हुसेनखौ गोसोखानानै सावथुन बब बिस्वासआव बारग' होनाय समफोरखौ गावनि पस्टआव मख'दों। अभिषेकआ दुखु मोन्नायखौ फोरमायनानै लिदों #RIP इउसुफ जी। जों कुछ ना कहो जों जागायनानै आरो जोबथायाव बब बिस्वासआव लोगोसे हाबाफारि मावदों। नख'रनि फारसे दुखु मोन्दों। फावखुंगुरि पुजा फाट्टआबो हसन मेहेतानि इमशनेल नटआव रिस्पन्स होनानै गावनि दुखु मोन्नायखौ फोरमायदों।

# ला लीगा: बार्सिलना हान्जाया डू गेलेदों रियेल माद्रिदआ देरहादों



**गोदान दिल्ली, 31 अक्टूबर:** ला लीगानि मोनसे मेचआव बार्सिलनाया एलाभेसनि हेंथायै 1-1 गलाव डू गेलेदों। मख 'जाथावदि, बे मेचआव सारजि बारजुयानआ गिबि खेब बार्सिलनानि कच महैर बिबान लादोंमोन। गुबुन फारसेथि रियेल माद्रिद आर शोभिल्ला गावसोरनि मेचखौ देरहानो हादोंमोन। सेभिल्लानि हेंथायै गेलेनाय मेचनि 49 मिनटआव मेमपिस डिपेआ गल सोनो

हादोबो 52 मिनटआव एलाभेसनि गेलेगिरि लुइस रजाआ गल सोनो हाफिनदोंमोन। जोबथा मिनटसिम मेचआ 1-1 गलाव डू जायो। सारजि बारजुयानआ आगुनि बार्सिलना हान्जानि गेलेगिरिमोन, बृहस्पतिवारसिम बिथाडा बार्सिलना हान्जानि रिस्सार्भ हान्जानि कचमोन नाथाय बावैसो सिगां बार्सिलना हान्जानि आफादगिरिया कच रनाल्ड कमेनखौ बिबाननिफ्राय

बाख्यानयनि उनाव सारजि बारजुयानआ कचनि बिबानखौ लादोंमोन। गुबुन फारसेथि रियेल माद्रिदआ इलसिनि हान्जाखौ 2-1 गलाव फेजेन्तो हादोंमोन आर बे मेचनि 23 आर 73 मिनटनि गेजेरजों गलनै सोनो हादोंमोन आर 86 मिनटआव अलसिनि पिरि मिल्लाआ गल सोनो हादोंब्लाबो 1-2 स्करजों जोनो गोनां जायो। गुबुन मोन्से सेभिल्लाआ

असासुनाखौ 2-0 गलाव फेजेन्तो हादोंमोन। बे मेचआव डिग कार्लसआ 40 मिनटआव आर 60 मिनटआव लुकास अकामफसआ गल सोनानै देरहानो हादोंमोन।

मख 'जाथावदि, 21 बोसोरनि भिनिसियास जुनियारआ गोखौ गेलेनायनि गेजेरजों गलनै सोनो हादोंमोन। थानाय माखासे मेचफोराव बिथाडा गावनि गोखौ गेलेनायखौ दिन्थिफु'नो हादोंमोन। सोलिफु सिजननि खेब 14 मेच गेलेनायाव गासै 9 गल सोनो हादोंमोन। बेनि गेजेरजों बिथाडा ला लीगानि गल सोनायनि फारिलायाव नैथि मासि आवग्रिनो हादों आर करिम बेनजिमाया 9 गल सोनायनि सेथि मासि आवग्रिनो हायो। पइन्ट फारिलायाव रियेल माद्रिदनि हान्जाया सेथि सेभिल्लानि हान्जाया नैथि आर बार्सिलना हान्जाया गुथि मासियाव दं।

# बिखा सानायनि जाहोनाव एगुरेयखौ देहा फाहामसालियाव थिसन्नांबाय



**बार्सिलना, 31 अक्टूबर:** बार्सिलना आर एलाभेसनि गेजेराव गेलेनाय मेचआव स्ट्राइकार सारजिय एगुरेआ गिबि हाफआव बिखा सानायजों भुगिनानै गेलेनायनिफ्राय जानगराव थानाडे आर बिथानि जायगायाव फिलिफ कटिनियखौ सोनाय जायो। मख 'जाथावदि बिथाडा गिबि हाफ गेलेफुबाय थानाय समावो बिखा साजायो आर बिखा सानायनि उनाव बेन्सआव गावनि जायगाखौ सोलायनो थाखाय सिगनेल हरदोंमोन, जायनि जाहोनाव 33 बोसोरनि गेलेगिरिया गिबि हाफनि जोबथा समाव बिखा सानाया बांसिन जानानै फोथारव गोलैना थादोंमोन। मेडिकेल स्टाफआ हरखाबै फोथारव थाडे आर सारजिय एगुरेनि फाहामथाय लायो दसे समनि उनाव एगुरेआ फोथारनिफ्राय बायजोआव थाडे आर बिथानि जायगाखौ फिलिफ कटिनियआ

लाफैयो। बिथाडा लोमजानानै दं आर बिथाखौ फाहामथायनि थाखाय देहा फाहामसालिसिम दैथाय हरनाय जाबाय होन्ना

मेच जोबखानायनि उनाव गोदान कच सारजि बारजुयानआ खौरं बिजोडाव फोरमायो। मख 'जाथावदि बे मेचआव

बार्सिलना आर एलाभेस हान्जानि गेजेराव 1-1 गलाव डू जादोंमोन।

## बक्सिं वर्ल्ड सेम्पियनसिफ: शिव थापाजों लोगोसे सुमितआ फ्रि-क्वार्टर फाइनालआव जायगा आवग्रिबाय

**बेलग्रेड, 31 अक्टूबर:** एसियान सेम्पियनसिफआव 5 खेब मेडेल देरहानाय शिव थापा (63.5 कि:ग्रा) आर टेब्युटेन्ट सुमित (75 कि:ग्रा) आ एआइबिए मेन्स बक्सिं सेम्पियनसिफनि फ्रि क्वार्टर फाइनालआव सौहैबाय। नैथि राउन्डनि बादायलायनायाव सुमितआ



त। जि कि स्तानि आबुदुमालिकखौ 5-0 नि फारागाव फेजेन्तो हादों आर गलबेल शफिसआव ब्रन्ज मेडेल देरहानाय थापाया सिएर लियननि जन ब्राउननि हेंथायै 32 मिनटसिम सोलिला फेनाय मेचआव गोरलैथै (फारसेथिल') नो फेजेन्तो हायो। सुमितआ बल्टेबनि हेंथायै मोजाडै गेलेना दिन्थिफु'जेन्नायजों गावनि जोबथा थांखिसिम सौहैनाय खाथिसिनाव सौहैनाय हाबाय। बिथानि इयुन बादायलायनाया फेगो समबाव क्वाडबानि गोखौ गेलेगिरि यएनसिल हार्दनानडेजनि हेंथायाव जागोन।

थापानि गेलेना दिन्थिफु'नाया जोबथा राउन्डनि फारसे आगानाव फेबाय। गावनि आदब खायादाजों मोजाडै गेलेना दिन्थिफु'नाय लोगोसे बिथाडा पइन्टनि फारियावबो मोजाडैनो स्कर खालामबोनो हादों। रंगीथि गोनां थापानि जोबथा 16 राउन्डनि बादायलायनाया फ्रान्सनि लुनस हमारउनि हेंथायाव जागोन। गिबि राउन्डआव जेन्नायजों मोगा-मोगि जानानाय सचिनआ गुबुन मोनसे जोबथा 32 नि बादायलायनाय मेचआव 1-4 नि फारागाव आमेरिकानि रबि

गन्जालेसनि हेंथायाव भारतीय गेलेगिरिफोरा जागायजेन्नाय मेचआव मोजाडै गेलेना दिन्थिफु'बोनायाव फेले जाबोनादों। गबिन्द साहानि (48 कि:ग्रा) आ जाजियानि साकिल आलकमारदबनि हेंथायै सिगांनो फ्रि-क्वार्टरनि फाइनालआव जेन्नादों। निसान्त देब (71 कि:ग्रा) आ मेरबेन क्लेयारखौ 4-1 नि फारागाव फेजेन्नाय बादायनाया दिनै रबिबारखालि जोबथा 16 राउन्डआव मेक्सिक 'नि आलबारेज बाडैनि हेंथायाव जागोन।

## प्रिमियर लीग: मन्चेस्टर इन्डाइटेडआ ट्टेनहमनि हेंथायै 3-0 गलाव देरहानो हादों

**लन्डन, 31 अक्टूबर:** गोखौ गेलेनायनि गेजेरजों मन्चेस्टर इन्डाइटेडआ ट्टेनहम हटसपुरखौ 3-0 गलाव फेजेन्तो हायो। मेचनि 39 मिनटआव क्रिस्टियान रनाल्ड आर नैथि हाफनि 64 आर 86 मिनटआव फारियै इदिनसन काभानि आर मारकास रासफर्दआ गल सोनो हादोंमोन। थानाय सप्ताहनि मेचआव मन्चेस्टर इन्डाइटेडआ लिभारपुलनि आखायाव 5-0 गलाव जेन्दोंमोन जायनि जाहोनाव, कच अलि गान्नार सल्लसजायआर बिबाननिफ्राय बोख्वायजानायनि जेनायाव दमोन। मख 'जाथावदि, सेप्टेम्बर दाननि 19 अक्टूनि उनाव बेयो इन्डाइटेडनि गिबि



देरहासादनाय। बे देरहानायनि गेजेरजों मन्चेस्टर इन्डाइटेडनि हान्जाया खेब 10 मेच गेलेनायाव खेब 5 मेचआव देरहानायनि गेजेरजों 17 पइन्ट लानानै बाथि

मासि आवग्रिनो हायो। स्पिरसनि हेंथायै 19 मेच गेलेनायाव रनाल्डआ बे मेचनि गेजेरजों 11 थि गलखौ सोनो हादों आर गावनि जिउआव

रनाल्डआ स्पिर हान्जानि हेंथायै बयनिखुडू बांसिन गल सोनो हादों। गिबि हाफआव ट्टेनहमनि हान्जाया गल सोनायनि खाबुखौ मोन्तो

हादोंमोनब्लाबो स्ट्राइकार सन हिउ मिन, लुकास मरा आर हेरि केनआ गल सोनायाव फेलें जादोंमोन। बे मेचआव जेन्नायनि गेजेरजों ट्टेनहमनि हान्जाया प्रिमियर लीगनि पइन्ट फारिलाइयाव खेब 10 मेच गेलेनायाव 15 पइन्ट लानानै 8 थि मासियाव आवग्रिनो हादों। थानाय सप्ताहनि लिभारपुलनि हेंथायै गेलेनाय मेचआ जॉनि थाखाय थारैनु दुखुनांथाव आर जायिमिनारि बिजाबआव खोमसिनि सान जानानै थासिमोन होन्ना मन्चेस्टर इन्डाइटेडनि कच अलि गान्नारआ खौरं बिजोडाव फोरमायो।

## पाकिस्तान हान्जानि फास्ट बलार हरिस राउफआ गोदान रेकर्ड सोरजिदों

**गोदान दिल्ली, 31 अक्टूबर:** 2009 नि टी-20 वर्ल्ड कापआव मुं लाखिनाय पाकिस्ताननि क्रिकेट हान्जाया आधिखालाव इएइआव खुनाय वर्ल्ड कापआव मोजाडै गेलेनायै दिन्थिफु'गासिनो दड। जागायजेन्नाय मेचनिफ्रायनो मोजाडै गेलेनायै दिन्थिफु'नायजों पाकिस्तान हान्जाया आधिखालाव जानाय दुर्नामेन्टआव आफगानिस्ताननि हेंथायै सा 5 उइकेटआव देरहानो हादों। आफगानिस्ताननि हेंथायै बादायलायनाय मेचखौ देरहानानै दुर्नामेन्टआव गासै खेब 3 देरहानायजों पाकिस्ताननि हान्जाया सेमिफाइनलाव सौहैनाया रोखा जाबाय। आफगानिस्ताननि हेंथायै बादायलायनाय मेचआव हान्जानि फास्ट बलार हरिस राउफआ मोजाडै दिन्थिफु'नायजों रेकर्ड लाखिनो हायो। आफगानिस्ताननि हेंथायै बिथाडा 5 थि अभायनि बलआव घन्टाफायाव 153 कि:मि: गोखौथिनि बल खुबैनायै गोदान



रेकर्ड सोरजिनो हायो। गोखौथिनाय बल खुबैनायनि थाखोआव राउफआ खोला आफ्रिकानि फास्ट बलार एनरिच नर्टजेनि रेकर्डजों समान जानो हायो। नर्टजेआ बिथानि सिगां गोखौथिथै बलिं खालामनायनि थाखोआव रेकर्ड सोरजिनो हादोंमोन। राउफ आर हान्जानि गोखौ बलारफोरनि मददजों पाकिस्तान हान्जाया पावारप्लेनि थाखोआव आफगानिस्ताननो 49 रान होनानै सा 4 उइकेट लानो हादोंमोन। आफगानिस्ताननि के प्लेन महम्मद नबि आर गुलबदिन नइबनि जावजाया 7 थि उइकेटनि 45 बलाव 71 रान

लानानै सा 6 उइकेट सिमआव 147 रान लानो हादोंमोन। लान्थ्रियै थामथि खेब देरहानाय राननि थांखियाव ओंखारनाय पाकिस्ताननि जागायजेन्नाय मेचआव मोजाडै गेलेनायै दिन्थिफु'नो हायाखै। हान्जानिफ्राय महम्मद रिजवाना 8 रान लानानै हान्जानिफ्राय गिबियै आउट जायो। बिथानि उनाव हान्जानि केप्टेन बाबर आजम आर फखर जनमानि जावजाया नैथि उइकेटनि थाखोआव 63 रान लानो हायो। बिसोर सानैनि मोजाडै गेलेनायै दिन्थिफु'नायजों पाकिस्ताननि हान्जाया 10 अभायसिमआव सासे उइकेट खोमानायजों 72

रान खालामनो हादोंमोन आर उननि आद्रा 60 बलाव हान्जानिफ्राय 76 रान लानानै देरहासारनो हादोंमोन। हान्जानिफ्राय केप्टेन बाबरआ 51 रान, फखरआ 30 रान आर आसिफ आलीआ 7 बलाव खेबब्रै 6 रान लानायजों गासै 25 रान लानो हायो। मोजाडै गेलेनायै दिन्थिफु'नायनि जाउनाव आसिफ आलीआ बादायलायनाय मेचआव मेन अफ दि मेच बिमु'खौबो मोन्तो हायो।

**गोदान दिल्ली, 31 अक्टूबर:** एएफसि इउ-23 एसियान कापनि गुप-इनि बादायलायनायाव भारतनि हान्जाया नैथि मासि आवग्रिनो हादों आर बे मासि आवग्रिनो हानाया एएफसिनि बादायलायनायाव साबसिन मासि आवग्रिनो हानाय रेकर्ड। किरगिज रिपब्लिकनि हेंथायै गेलेनाय मेचआव दिराज सिनि गोखौ गेलेनायनि मदतजों भारतआ 4-2 गलाव देरहानो हादोंमोन। मोन्तैबो हान्जाया गल सोनो हायैनि जाहोनाव पेनाल्टी सोनाय जादोंमोन आर



बे पेनाल्टीआव भारतनि हान्जाया देरहानो हादोंमोन। गुप-इनि गुबुन मोनसे मेचआव अमानआ 2-0 गलाव इएइनि आखायाव जेन्दोंमोन। गासैबो गुपनि सेथि मासि आवग्रिनो हानाय हान्जाया एएफसिनि बादायलायनायाव

क्वालिफाइड जानो हागोन आर गासैबो गुपनि बयनिखुडू साबसिन नैथि मासि आवग्रिनो हान्जायाबो क्वालिफाइड जानो हागोन। पेनाल्टी सुट आउट बादायलायनायाव रहलु केपि, रहित दनु सुससिं आर रहिम अलिआ

गल सोनो हानायनि गेजेरजों गल किपार दिराज सिंआ किरगिज रिपब्लिकनि माखासे गल जोसन्नायखौ होबथाहो हादोंमोन। गिबि हाफआव भारतनि गेलेगिरिफोरा गोखौ गेलेनायनि गेजेरजों गल सोनो हानायनि खाबुखौ मोन्दोंब्लाबो, गल सोनायाव पेल्तें जादोंमोन। भारतआ दासिमबो एएफसि-इउ-23 बादायलायनायनि फाइनाल गुपआव सौहैनायनि फिथाइखौ जेव्वा गुबुन गुपनि मेचफोरा जोबगोन अब्लासो मिथिगोन। गुबुन फरसेथि किरगिजनि हान्जाया थामथि मासि आवग्रिनानै दं।

## माहारियारि गेलेमु बान्था 2020 नि देरहागिरिफोरनो 1 नभेम्बर टूफी गथायसिगोन



देरहासारनयनि सार्टिपिकेटखौ राना होनो थिरंथा खालामदों। मावख 'निफ्राय मिथिहोनाय बायदिब्ला बान्था देरहासारनाय गासैबो गेलेगिरिफोरनो सिगांनो रानि बान्थाखौ राना होबाय। थानाय बोसोरव महामारि करना भाइरसनि थाखाय माहारियारि गेलेमु बान्थानि मानबावनाय हाबाफारिखौ बार्सुवेल कन्फोरेसनि गेजेरजों खुबुदोंमोन।

माहारियारि गेलेमु बान्थाखौ बोसोरफोमबो हकिनि जादुगर मुडै मिथिजानाय मेजर ध्यानचान्दनि जोनोम सानजों लोब्बा लाखिनानै 29 आगस्तखालि हाबाफारिनि गेजेरजों होनाय जायो। माहारियारि गेलेमु बान्थाफोरनि थाखोयाव मेजर ध्यानचान्द खेल रल बान्था, अर्जुन बान्था, द्रणाचार्य बान्थाखौ गेलेगिरिफोरनो होनाय जायो।